




10505

河陽趙士麟玉峰父著



男 宸黼編

卷三十五

戊辰至壬申詩 一百零三首

戊辰三月十八日 萬壽聖節曉集 暢春園恭紀 四首

壽域初開淑景融 玉階拜舞萬方同 臣民就 日欽 堯彩遐

邇瞻雲仰 舜聰華渚鍾祥傳 貫月瑤房紀瑞憶 流虹從來

聖算同天地 祇覺封人祝未工

南極祥光映 紫宸 巍巍功德總無鄰 三年平定真 英武

四海朝宗是 聖神樂奏鈞天排 御宴花開 禁苑慶芳辰

讀書堂集卷第三十五

我 皇天錫多純嘏 不事崆峒 命駕巡

三月飛花繞建章 玉泉曉見 翠旂揚 未陳金鏡千秋錄 先獻

瑤池 萬壽觴 燕翼昌隆 恢歷服 賡歌喜起 駕陶唐 閭閻更慶

登仁壽 總是 嵩齡餘蔭長

瑞氣氤氳接 帝居蓬萊上苑集 簪裾風飄 御柳披金鎖 日

映仙桃近 玉除景慶已傳太史奏 梯航遙見 職方書 徵臣幸

遇 南山壽願 夙夔龍賦 九如

高粱橋卽事 二首

垂鞭橋上望 山月五更斜 宵爽留杉樹 清香發稻花 至尊乘

紫氣朝日射 紅霞共拜瓊漿 賜歸來意興奢

圖畫朝川迴 醞醞酒旆飛 村莊風日好 沙渚水禽依 蟬噪驚秋

急 梧飄卻暑微 天顏亦咫尺 瞻觀願無違

浙江書局刊

六十偶感

時官兵部督捕右侍郎

少小不讀書老至方嗜學自力已就昏買鏡強恢廓乍視覺晶
晶久注那灼灼兩角甚苦酸移時澁欲膜雖然多艱辛意趣頗
領略識以老而精才至老而拓思得老而通迷因老而覺庸劣
甲己週大雅徒維度披覽縱無幾竊喜勝於昨英年覩我笑猶
自耽述作卽使能汗牛到底等糟粕豈知物不齊壯衰各有託
造化無拘牽鳶飛魚亦躍倘或有會心遲暮時時樂再整助目
光切勿輕嘗藥不然閉目坐靜悟遠探索腐儒態迂疏言之可
愧忤然亦不奈何舍此益可惡卓哉衛武公琢磨髦弗卻兒孫
習茲篇細細宜吐嚼辟彼農稽田陳修乃有穫又如作梓材樸
斲須丹雘吾老適吾興焉問揚州鶴

書懷二首

讀書全集卷第三十五

二

浙江書局刊

悠悠二十載慙懼被 恩深失學才非古素餐懶至今愆多蒙
聖宥險過見天心感激惟零涕尋思細細吟

兩淞曾開府三吳又竊臨青氈仍舊物白眼作新禽昏夜防盲
盜兒童畏蝎侵虛聲無計避獨自寫清琴

憶家天羽弟

憶昔掖垣近天仗晨趨 丹陛披言謹聲名動地徹九州丰采
稜人共仰自去黃山與白嶽吾宗寂寞徒快快津門芳譜今
已矣多男玉樹乃翁倣司寇上谷偉兒孫聞知身健不拄杖新
又有容並素心六年不見空懷想詩篇時時兩相寄鳴鈺豎纛
競雄長吾不能窺弟之藩籬弟當服兄之灑爽金山陽山多奇
文何不攜來共欣賞弟謂汝兄興甚豪千首一揮應指掌兼愛
伯英顛仙草聖工迅掃松綾幾百丈此事右軍供奉乃能之使

我驚聞殊悵惘身隱焉文我勗弟妙在不答真杭麟就句拓開
數十韻昌黎駸駸大厯往大姪襄舒次二聞傑出知翁善作養
又有驂期孫鶴舉六經子史腹貯帙曩見賓客高滿座夏子李
子近無兩詞賦文章皆可誦風流華藻且侷儻大將搖旗推吾
弟細柳軍中披鶴氅不識刁斗吾尤畏森森號令星河朗此之
方弟並憶弟語雖近誇匪私獎相思何日能相見促談免我心
神痒安得 飛詔下九天從容再步青霄上

金碧園 十二首

宣城門外日暉暉咫尺 宸居 顏不違朝退每從籬畔歇閒
餘旨教酒杯稀臺連北斗涵西爽座捧紅雲接紫微共沐 君
恩歌湛露微臣倍幸奉庭闈

讀書臺全集卷第三十五

三

浙江書局刊

×文×

龍飛二十七其年序屬戊辰七月前母近期隕身素健子垂耳
順戲當筵園中步步追隨快亭上婆婆遠望妍石髓芳芝如可
得此身嘗奉老姑仙

前屬寓廬後圃連傳來煙樹匪平泉幽齋課子止容膝寫字教
孫可比拳惟日精勤藏帙裏有時瀟灑落花前讀書自是吾家
舊不學揚雄草太懸

典至臨池漫灑翰烟雲奔瀉碧琅玕許多好友眼非白無數新
花色是丹密葉低藏三伏雨長松高並九秋寒 聖朝熙皞原
無事八表同風天地寬

銀牀汲水未曾閒注水澆花意不慳竹簾漸流光蕩漾輓轡聲
轉聽潺湲寒梢點著皆垂露瘦石生來自學山別墅芳華遙掩
映浮天翠色那能刪

花陰寂寂聽鳴琴信口哦來可自禁亦擬驚人無好句惟餘癖

性止狂吟誰云稷契終成古豈有曹劉不再今嗟我於茲徒老
耳悠悠刪述渺難尋

碧雞金馬憶漫漫萬里孤鶩道路難雉尾班行惟旅進藤花廳
事止虛餐環城樹色侵杯鬱小圃烟光入畫攤賸有空腸無俗
累敢將清福等閒觀

披拂薰風樂有年長安酒賤似源泉翻階紅葉低醉新架葡
萄歷歷圓編竹爲牆全繞蔓燒缸蓄藻半生蓮有時邀客來同
飲月下花間並洒然

春前卉草門芳菲入夏陰濃紅亦稀座有參軍標俊逸鄰來供
奉唾珠璣夕陽樹影僮穿去平野雲連鳥傍飛漸覺晚涼山吐
月蓬頭大扇可無揮

街頭車馬日轟轟半是營生半是名碧草如烟乘氣動紅榴似
火照人明憑高看月奈鄉思飄梗無家寄客情最是君恩干
古重况兼親老倍難行

幽居長日有何求一枕清涼事事悠綠柳千條鶯囀日黃雲萬
頃豆花秋未辭煩暑冰霜淨又逐西風歲序愁積雨連朝泥滑
滑蹒然鬢鬢不須啾

小圃曲凹只蕭然榆檉橫披蕝草芊白墮何勞詩入夢黑甜無
力和成篇最精畫意林花寫莫大文章雲漢傳知是青蓮眈好
句閒來游戲到亭前

夜夢賦金碧園詩
得五六一聯續成

望雲亭

卽在金碧園中

亭以望雲名果老親至園林時瀟灑九十非容易

其二

繁華三春盛纖塵不到園隨意卉草足名種何必論

其三

夏木濃於染雲來鳥不知一聲蹏末了正是納涼時

其四

不是閑如此安能得自由日黃林氣蝕散作一痕秋

其五

圍靜亦太古幽極物能通小池魚跳浪高樹鳥呼風

其六

霏霏一夜雪瓊枝樹樹齊曉來亭上望世界瑩無泥

早菊

是處秋光好翻疑逗早春新花添景色高隼出精神塞雪
盤
輿駕中朝鶴立臣疏籬風得意歸驥漫相親

一聲雁過了在在遠砧同綠沼流香韻黃雲下菊叢落英餐有

讀書臺集卷第三十五

五

浙江書局刊

待佳色詠何窮莫厭新詩聒邀君到圃東

九日集妙光閣二首

何必登高約秋光此可凭紅塵同一冷咫尺隔千層人澹有如

菊花開亦似僧瓊樓連野色交映碧天澄

又

吾自有真趣但憑意興牽曇花輸菊色優鉢吐金蓮落帽尋常
事餐英亦偶然題詩隨便去賡和待名賢

登妙光閣

巍閣積香成疏林透遠風飛旛雕楸外響梵高雲中文幌曜瓊

扇碧疏映綺櫳天衣疑憑漢金輪欲轉空西山四望合滄海一

氣融貞心延淨境迢遞鬱青蔥

又

所以登高者跬步限戶闥人心馳入荒殊難假羽翼茲樓纜數
仞凭檻目已得仰睇浮雲間變幻有萬億重淵不可探巉巖不
可陟曲徑非所由高不可極

禪室偶集 妙光閣

層城金馬路雙闕鳳凰臺簪貂盛廣衢軒車走鳴雷卿士協寅
恭微臣叨趨陪職事每填委文墨紛散哉炎蒸同伏飯煩喧渴
林梅僧房適小憩勝沃清涼壘

又

室小不盈丈晨光通虛白流烟漾璇景輕風泛喬碧迴飈蕩疏
櫺逸響發奇石仙梵奏雲璈天香來几席我有幽蘭念相期素
心客銜意超禪理談笑無踟躕

同人集香林亭看花 妙光閣

讀書集卷第三十五

六

浙江書局刊

曲巷通香林如踐仙源路蔚蒼聳青標惠色出嘉樹豔豔新花
生高鳥聲相呼丹葩疏襍英翠葉籠紛霧圓景謫函幽清風枝
間度亭虛欣久坐眾芳那可數

又

我非佛者侶竇地奚徘徊亦非泉石流安用耽莓苔退食有餘
閒相邀弄清杯瑩情無所滓蘊真同嬰孩三春花事繁和風扇
八袞灑然得遺慮豁焉心神開

庚午轉少宰謝 恩

鑑衡自昔重虛公聞 命躊躕任過隆簡要自知非叔則清通
乃得似安豐敢言索驥驅黃外期免濡鵝鴛鷺中幸際 明聰
今在御重瞻 盛世闢門風

秋闈喜兒宸黼登賢書

家山萬里往來難，姓氏欣從榜上看。
稚子遭逢傳入穀，老臣踟躕愧當官。
詩書不負前人訓，絃管聊承慈母歡。
自顧國恩無以報，俯隨仙仗拜金鑾。

辛未仲夏 瀛臺 賜魚恭紀

水晶宮裏朝 天罷，捧得金鱗庭下趨。
九十老親欣拜首，三齡稚子識歡呼。
熟而用薦馨，彌遠席以先嘗味。
自殊何幸，微臣分寵渥。聖明魚藻並唐虞。

南郊陪祀恭紀 四首

圍三旅 帝稅郊原車駕金，根建五幡壇宇凌虛塵。
不到管灰徐動氣，先溫百神受職通。
朝謁多士垂紳效，駿奔邃密齋居惟穆穆。
五雲深鎖羽林屯。

讀臺叢卷第三十五

七

浙江書局刊

送佩環聲公卿圭紱傳將幣，柱史簪裾詔省牲。
忽報升中輦，輅動神光燦爛曉鐘鳴。

絳闕嵯峨入杳冥，儼如陟降在中庭。
禮陳圓壁遵先典，舞獻雲門走百靈。
月上琉璃仙樹碧，霜凝檠戟玉壇青。
祥烟縹緲燔柴近，太史登臺記景星。

柴壇埋玉意彌虔，朱火宵明達碧天。
太乙宮中香霧遠，集靈臺畔屬車旋。
千門旭日迎旌蓋，一路春風拂錦鞦。
自昔仁人能享帝，湛恩汪濊九重宣。

北郊陪祀恭紀 四首

香風法駕引朱旗，親詣方丘父老隨。
載物從來資地德，報功此日答坤維。
月臨鶉首元郊啟，節屆中天玉管移。
齋禁一如禮祀肅，靈祇端處候迎釐。

清宵望祀露華濃玉步雍容羽葆從隱隱明霞生黑時溶溶皓
月射黃琮迎神澤畔笙調鳳禮地壇中駕引龍正值南訛當測
景虞廷敬致典原恭

樂奏咸池詔就班鷺行鷺序觀天顏東西嶽瀆公侯位南北
江湖左右間鬱酒灌從方澤降牲牢埋向泰圻還景風始至鳴
蜩動芝蓋飄飄羽騎開

德感皇祇暑氣和都人爭望九旂過南郊舊典明禋肅北時鴻
儀恩澤多昨獻冰臺衣尙馥釐歸風觀福偏那山車澤馬非
爲瑞願賜豐年長玉禾

祈穀陪祀恭紀二首

鏘鏘鸞輅動夙駕爲勤民殷禮同南至蠲期在上幸歌幽先嗇
降獻種甸人陳帝念眞顛若和風拂紫茵

讀書集卷第二十五

八

浙江書局刊

穀實司民命祈年敢憚辛山龍勤灌獻玉帛走臣鄰遲日回青
剛春風上綠蘋藉田期已近負相望車塵

禱雨二首

拂曙旌旗下九天歡呼禱祀赴甘泉風清輦道和鸞靜露洒旃
林秉壁虔鹵簿光搖紺幄外佩環聲動紫壇前亦知聖主憂
勞甚不獨桑林六事傳

玉樞宮觀氣氤氳樂奏鈞天野外聞萬姓攜鋤咸待澤千官扈
蹕共瞻雲圭璋對越鑪烟繞牲幣分陳禱祀勤少女風搖石燕
舞競傳歌頌異橫汾

太廟陪祀恭紀二首

芝蓋先期待霓旌拂曙飄戎衣一劔定端冕萬方朝謨烈藏金
匱聲容跂玉霄庭前雙鳳舞知是感簫韶

禘自唐虞肇禘從豐芑長千年初定鼎 三祖慶重光遐邇陳
方物衣冠共肅將慙無清廟頌鵠立紫微傍

社稷壇陪祀恭紀二首

建國應居右臨民此最先主璋原合祀祈報各當虔望杏青旗
肅瞻榆黛相懸 皇輿方曉出祇爲禱康年

祝史遵先典齋居法舊章來牟資后稷壇墀配句芒地自通霜
露神應賜吉康欲知社稷重爲進大田章

金朝日壇陪祀二首

簪佩東方待雞人報祭晨王宮迎恐後帝典敬如賓曙色開青
甸微霞映紫宸舒長遲化日從此展義輪

幸際重離世靈鳥典遂行郊壇春有祀標燎曙偏明萬物陽爲
母人君日視兄扶桑應有紀賓餞達中誠

讀臺文集卷第三十五

九

浙江書局刊

夕月壇陪祀

日月無私照因之祀典同秋郊蟾兔潔良夜燐蕭通三珥熙朝
瑞重輪盛世風祠宮當夕祭如在水晶宮

皓魄生金氣秋分此拜稽瘞牲惟用坎正位必從西玉露霏霏
降金波穆穆低周廷傳少采祀典庶堪齊

帝王廟陪祀二首

香雲繚繞月玲瓏萬乘如臨啟闕宮歷服更新百戰後衣冠揖
讓一堂中和風宛轉迴銀燭零露霏微候玉聰恩德至今垂宇

宙升歌右饗古今同

厯敷攸歸王氣鍾春秋合祀自離離纔臨霜露思弓劒早奏笙
鏞觀袞龍開國規模多闡達與王禮樂自雍容祖功宗德皆天
意應有祥雲出四封

夾道松風宕汶寥巍巍廟祀絕塵囂帝京俎豆人文集海宇蒸
嘗歲月遙釋奠鴻儀同禘祫升歌清奏勝雲韶虞廷視學先羞
肴珍重曾將更老調

紫軟朱旗映水隈香風徐引肅平臺臨雍問道從茲盛玉振金
聲自昔推露洒圓橋多士入日臨殿廡講筵開 聖朝文治眞
無外百濟新羅遣子來

醒齋李大司空邀登岑臺率爾賦之遂題於額

人生卑几席結念青霄上託身浮雲端飄飄勿乃妄何如百尺
樓元龍新構創時事有變遷青蓮孤懷抗攜我登岑臺太華豈
有兩箭括如線通明星玉女嚮百折凌絕頂四望寒生悵倚徒
失其常但見神光盪豁然嘯一聲太初眞景况闔闔咫尺開縹

讀書臺集卷第三十五

十

浙江書局刊

緲宮闕壯日月出黃海烟霞幻苑闔千峰各晴雨一氣自升降
天高不斷青萬朶芙蓉澆滄海入胸臆西山爭俯仰雲連萬瓦
平野闊週覽曠纖塵安能到意思不可量臯戔九苞羽磷繇奚
所妨遐霽坦以來神爽非一狀欲下疑無路盤盤局昂臧飛援
擬一擲心目爲交暢

壬申元日恭紀 四首

旭日曠曠徧九垓 玉階 金闕靜無埃昨宵先進迎年帖平
旦同斟介 壽杯淑氣暗隨葭管動晴光預逐 翠華來司天
節候何曾爽上苑朝開一樹梅

金門待漏曉寒重歲首初聞長樂鐘節記三元增福祚人隨萬
國共朝宗漢廷不設魚龍戲禹甸惟將玉帛從 帝德無私同
造化何須放爵示恩濃

玉杓東指慶新年白獸開尊中使宣盤進五辛寒乍卻腸稱
萬壽日初妍夔龍拜手朝元殿寮案歡歌湛露篇歲歲承恩
從此始願將宴賞譜虞絃

春光早到鳳凰城不俟頻催畫鼓聲蘭正含芳迎淑景柳思臨
水弄朝晴齊簪綵勝黃扉出更戴銀幡紫陌行自是體元天
子事六符合奏泰階平

燕京八景

西山霽雪

憑高西望瑞花零暘谷春回寒尙停萬頃琉璃渾不夜九天霜
露逗遙青層樓口映凝鷺瓦小閣窗晴散鶴翎獨有嶺梅偏耐
冷隔溪先報一枝馨

水液晴波

讀書臺集卷第三十五

十一

浙江書局刊

川上三

澄波千頃淡烟籠日映扶桑盪碧空霽色倒連霄漢上晴光直
與斗牛通石鯨偃臥長隄側玉蝀低垂曲檻中此地融和宜泛
鷁須知尺水亦朝東

居庸疊翠

神州天險首居庸淑氣鍾祥秀影重翠嶺交橫連朔漠玉屏盤
鬱鎖王封煙塵寂靜旌旗繞草木蒙茸雨露濃 聖世山川多
錦繡登高作賦幾人從

瓊嶼春雲

宮殿參差近日華三山深鎖似仙家洞門窈窕含春雨石磴縈
紆接彩霞自有流鶯聞啄玉不須乳燕更銜花置身已在廣寒
裏月夜無煩訪海槎

玉泉垂虹

飛瀑凌空百丈懸蒼蒼珍木俯流泉金門蜿蜒春風下玉殿翔
翔秋月前波濺珠璣穿錦砌音諧絲竹助歌筵從來 帝澤深
無限仗爾爲霖佐百川

金臺夕照

高邱突兀枕京畿懷古登臨日已微九陌風烟連夕照滿山烏
鵲亂殘暉兒童驅犢田間返羽騎攜禽野外歸憶昔誰能收駿
骨空餘臺榭白雲飛

盧溝曉月

桑乾遙隔 帝城西魚鑰初開蝶影迷宛宛長堤疑積雪陰陰
旅店漸鳴雞關門塵動渾河合驛路寒生古木低多少輪蹄從
此去回看殘月不勝悽

薊門煙樹

讀臺全集卷第三十五

十二

浙江書局刊

春樹溟濛積翠苔薊城車馬少塵埃南瞻 紫極雲初合北眺
青門雨欲來小市橋頭人影散垂楊隄畔鳥飛回清明寒食都
遊此笑對桃花白撥醅

瀟湘稌憶二十四首

二十年前帆鄂渚瀟湘雪意但微茫清秋再過三春又四度風
光夏較長

隔水看天天四圍望中時有白雲飛飛雲奔注湖光裏天水雲
山總不違

一片漣漪一抹烟魚歌聽斷落雙鳶朝暉幻作夕陰去氣象眞
成有萬千

虞帝蒼梧事有無湘娥淚竹或傳誣荆舒未必朝蒲坂休向黃
陵廟口呼

漢陰漁者鬢如戟江上丈人意洒然一部離騷沈楚水行吟去處有誰憐

村舍榴花間柳栽大船風正小船催紅妝側向危檣裏北岸輕橈漸近來

道士來從衡嶽頂江頭爛醉臥春風手擎一扇搖烟景細闌黃庭字字工

楊柳人家依北郭桃花渡口漲春江明眸似欲驕顏色斜倚危樓露半窗

仙靈南嶽雲深處半住羽流半住僧僧著袈裟朝海去羽流駕鶴過朱陵

楚山疊翠水潺湲夾岸垂楊接遠天何用金鈿牽錦纜女郎蕩槳自嫣然

讀書臺集卷第三十五

三

浙江書局刊

破浪長乘萬里風江流日夜盡朝東湖天落照山山紫漁艇炊烟處處紅

銅鼓忽來神女笑烟波江上門龍舟遙看出沼蓮花瓣送去薰風入火榴

獺爲求魚穿汨水鷹思逐鳥下巴陵君山十二峰頭月散作長江萬派澄

細雨濛濛暗不開水晶簾外影徘徊採蓮兒女相攜笑共向紅烟堆裏來

幾葉黃蘆搖別浦一雙白鳥點殘秋湘靈錦瑟何由鼓宋玉悲歌痛未休

漢水滔滔天與闊千章木筏一平鋪管絃何客歌其上竹屋三間貯美姝

畫中詩意篇篇是檢點吾詩盡可刪幾欲閑吟描不似空濛烟
雨度千山

蘭佩荷衣湘水濱楚騷好色轉傷神如花一派新嬌樣生意無
端落錦茵

何處女兒歌楚詞輕舸似葉漫相隨魚梁截水漁家捕把釣佳
人別有姿

昆池玉勒驟翩翩記得黃金市駿年八代起衰文滿笥三湘拾
草柱盈艸

黃鶴仙人去未回白雲不斷漢江開洞庭昨夜梅花落鸚鵡洲
前處處猜

冷卻魚竿碧一灣人家橘柚老蒼顏魚龍抱白不成睡霜落干
山與萬山

讀書臺集卷第三十五

十四

浙江書局刊

沉濱直下三千里帆到津門一葦輕回憶九疑峰獨翠餘山雖
好不知名

欲摹縹緲瀟湘意慘澹經營筆不前脂粉焉能容易染蛾眉淡
掃得天然

上駕北巡行次紅旗營地方省民觀稼見嘉穀一本數穗芝
蓀長有丈餘 頌示羣臣恭頌 三十二韻

金輿七校出紫塞六龍馳香霧林皋合明霞警蹕移連營鳴角
鼓疊嶂卷旌旗預動三靈贊時巡四海熙 皇心包內外天覆

育邊陲農事關邦政逢年不苦饑珍球非世寶稼穡乃民資豈
惜躬恆瘁惟圖眾有祺 蠲租詔屢下歲歉振頻施禁苑敷黃

畝驕陽雩雨師稷壇並社舉秋助又春祈 哲主承天紀 殷

懷念物宜 高居思遐覽晨 駕肅鑾儀廣陌何緜衍畚田悉

耨耨 仁言發自近卒歲繫於茲湛露盎然滴祥飈穆爾吹入
方霑膏澤異植見荒遠 行次紅旗地觀同碧葉池如雲新表
盛似綺忽標奇共秀芳何遠連莖挺不萎兩歧猶易得九穗孰
能知文許芝蔴穎尺餘稷穀披蒼生欣有慶赤甸樂難支 頌
示千官喜傳來萬姓怡可知塞北徧詎止斗南滋 聖德多豐
稔 天家景福禔氣和珠粒實風惠綠苞垂我 后不言瑞羣
方敢溢辭何從書太史那曉出堯時玉燭調元宰封人進壽卮
願持三秀草俱作萬年枝

讀臺叢卷第三十五

十五

浙江書局刊

1118

汪 顥校

河陽趙士麟玉峰父著

受業劉 愈輯

男 宸繡編

卷三十六

詩六十七首

癸酉夏靈佑宮祝釐恭紀二律

法宮肅穆裊香風
薰沐垂紳百職同
聖主自來膺 帝眷微
臣何以效愚衷
笙鏞縹緲錦幡外
鸞鶴繽紛紫殿中
金掌遙看 仙露降
袞衣早御日華東

清都羽節集羣仙
味爽相將禮法筵
皇帝萬年開壽域
黔黎

三祝詠堯天
玉壇夜靜宣金誥
銀燭宵明漾瑞煙
正值太常齋

蔓臺彙卷第三十六

禁肅嵩呼聽徹五雲邊

藤花歌

冢卿衙署鬱嵯峨
中有藤花雙婆娑
婆紅欄玉柱當軒立
葉葉枝枝繞大羅
不知何年何人植
向此聞說文定先生曾移過
據地既高鄰 紫禁託身非渺
傍鳴珂幹似虬龍偃百丈
葉如煙雨徧千阿
曉來珠露垂垂墜
月下扶疎款款那
漢川修竹空森嚴
龍門高桐亦么麼
聖主當陽均四海
羣生暢遂足 恩波殊
材凡卉待品題 天家柱礎
培育多嗟嗟藤花吾來爲
爾歌吾爲慮者長夏綠陰
濃於染蔽日蒙茸盡透地
屈曲蟠盤非一狀
攀巖附木類薦蘿
吾取爾者冬風颯颯飄
白雪寒條瘦骨凍不
呵花開色淡清芬遠
閱年三百總不磨
歌藤花藤花歌爾非吾
慮乃吾取當前一樽顏
忽醲

放生池

釋氏戒殺生彌勒好米汁同生大化中何用相凌逼我聞郇公
庖復有李氏癖犧性及鱗羽烹宰無所惜列鼎非不豪充腸亦
甚憚當其繫執時殼餽良可愧利刺與刀屠湯燂兼火炙磷磷
霜色青烈烈燄光赤靈蠢各有知釜中應聚泣飼雀獲美報銜
珠以救尾此言雖幽渺理或有可繹君子遠庖厨聞聲不忍食
何如並放之悠然任所適人物兩無傷如其安樂宅眞愛契冥
符浩劫濡廣澤

育嬰堂

爲政不出家樂事重鞠育感念劬勞恩哺我忝微祿傷哉貧困
人罔知憐骨肉祇因撫字難棄置靡顧復九達輦大車揀之貼
中軸歸來付乳傭懷保如抱璞初苦陳與饑漸見色膏沐哢笑
俱破顏招呼若有欲彈指克舍飴遂得調餽粥稍長各謀生女
婚男亦牧雖屬疎逃子我心殊快足勤勤四十年全活何勝數
重賴有仁人維持相嗣續歲需累千金慨施永多福生生未易
窮是曰君子穀

喜蔚懷熊大司空至

司空中外仰鴻名自慶遭逢荷 聖明 臣 夢不離壇石上 君
恩早下豫章城夔龍事業須公等董賈文章更可驚忍署鋒車
知感激雄談倍喜慰離情

寒溫

促膝寒溫問起居燕山富水少音書遙知風雅自成格惟有窮
愁不易除去後名姝添幾許邇來酒量更何如渴懷已幸逢春
雨早晚爲霖遍八墟

喜天羽家弟至

梧省聲華重若山河隄引咎暫投閒我懷七澤三湘外君去黃
山白嶽間著述幾年存草閣徵書此日勤 天顏離思多少難
除卻一笑相逢盡可刪

座中論及詩文

極歡未暇速肥羴便及篇章次點茶作賦何須規往格論文不
必屬誰家情當至處饒風韻思入微時散彩霞兄弟晦明霜鬢
改掀鬚猶自互攻瑕

自嘲嘲某同人

豈是長安輕薄兒豪華意氣兩相宜藤花暑裏投歡日 御苑
溪頭買笑時下馬頻呼僮問酒解衣便向客吟詩班聯妙契真
無比更羨風流有豔思

雙臺養卷雙于六

三

浙江書局刊

甲戌早朝恭紀 四首

九天風露禁鐘催宮漏遙傳闔闔開碧月輝輝 丹闕下晨星
歷歷絳河隈雞人戒旦金門入豸史司儀 玉殿來 聖主宵
衣時問夜六龍扶 輦出蓬萊

紫禁朱闌白玉隄干官山立俟班齊鳳凰城畔車聲動鴉鵲樓
前珮影迷銀燭欲斜珠箔捲靈烏將起曉鶯啼垂紳味爽書思
切未覺寒生仗馬嘶

玉殿高呼徹絳霄句臚拜贊引雲韶萬方清晏車書集七政均
平岳牧朝甘露早從丹仗下香風徐向 紫宸飄侍臣仰見
天顏喜 聖世都俞覺未遙

虎賁執戟引朝儀仙露金莖宿霧披馴象遙隨百獸舞飛鳧親
向五雲移 龍樓問寢回雕輦 鸞殿陳謨出鳳墀退食幸從

鷓鴣後日光纜上萬年枝

和大司馬杜肇餘先生慈仁行 卽報國寺

皇都壯麗居北極 聲明文物萬方集古刹精藍繡陌多屈指
慈仁稱第一慈仁敕賜乾統年金殿嵯峨寶閣連周圍長垣十
餘里畫棟朱葺碧砌妍盤松勁栢濤聲壯傳自齊梁尙無恙龍
鱗溜雨大十圍黛色參天高百丈每逢朔望二十五百貨雜陳
輝兩廡曉來道上聲喧囂肩摩轂擊人如堵入門但聞花氣香
白白紅紅雲錦張纜交二月中和節桃李芬芳菲蘭蕙芳夏秋之
際亦猶此赤榴黃菊列如綺一枝梅萼酬一金不煩折寄隴頭
使左右羅紈儼成行吳綾蜀錦來四方人情好異兼尙古尋常
器物置路傍歷級同升兜率宮玉牀象几橫簾櫳榴栴作枕懸
苴席屏風斜隔青芙蓉芙蓉石畔異光騰荆玉隋珠希世珍清

望臺金卷第三十六

四

浙江書局刊

輝足奪三千客聲價還高十五城徧步迴廊驚未覩估客誇豪
波斯舞盤中文犀名駭雞木難火齊出祕府石尉珊瑚未足奇
漢皋襍佩甯堪數我聞華陽產金銀良工采取制作新蟠龍刻
鳳爲釵鈿尊罍做古各絕倫商周法物稱彝鼎千年血繡胭脂
令一朝出土色斑爛秦漢銅玉皆下品五季以來貴陶器篤嗜
莫與柴周比殷紅瑩玉豆色鮮官哥柴定備擬議傍列菱花似
水澄襟帶懸之百魅驚龜紐螭環大小印刀法直逼周與秦圖
書充棟兼汗牛標題一一整且周玉簡靈威授瑤函蒼水投崇
文殿裏間零落嘉則簾前遜校讎王充借閱苦未徧安世亡書
不外求定武蘭亭不再見嘉陵粉本應能辨近代師法數大家
往往臨摹亂眞贗畫家獨取工遠勢潑墨迅掃亦足異古來眞
跡今罕存此間購求非難事文房翰墨靡不備兇弓和矢良且

鏡寶刀三尺舊龍泉夜夜光銚燭天地靈璧石端溪硯斷紋琴
七輪扇瑤笙象管懸四角琵琶撥擘碾紫玉成窰宣漆近亦希
鳳毛雀尾縈心目忽聞香氣逗欄杆總非雞舌與龍涎丁緩博
爐微馥馥疑是靈芸石葉燃俄金佛藏來烏斯袒肩露頂形容
奇吉光之裘火浣布于闐玉子琢成棋選方珍物異常玩投壺
蹋鞠古來擅博塞盤旋呼雉盧英雄一擲輕百萬其餘瑣細亦
可喜竹冠筇杖襍瑤珥華鐘不擊時自鳴玻璃小鏡薄如紙排
徊把翫絢欲迷仰觀法界結構齊幡幢交綴祥煙繞璘玕瓚玉
銀牘題旃檀樓殿四天開諸天散花雨花臺蒲團趺坐真如鐵
入定高僧寂冷灰再過方丈威儀肅几案幽閒避塵俗一片禪
心江上峯紫芝紅藥供清矚僦居時集觀國賓雄文絕技每超
羣酒闌月上鄉思切銀箏寶瑟歌聲頻有時僧客同歡悅談詩

讀臺金卷第三十六

五

浙江書局刊

〇三三

說偈真奇絕僧著袈裟誦法華客臥蒼苔說明月遊人雜選去
復還鹿苑無如此地寬王孫笑挾金丸彈公子閒揮白玉鞭公
子王孫興盤礴攝衣齊上毘盧閣參差宮闕五雲平西山東漢
隱叢薄俯檻遙望桑乾河驢騾厯厯穿城郭中有大士像端嚴
手捧梵輪垂瓔珞傳聞窳變或非訛香花供養肩魚輪人謂慈
仁謙我謂慈仁寂寞相懸解盡已空石上松間清露滴人謂慈
仁麗我謂慈仁雅騷人詞客多名流每於勝地得瀟灑人爲慈
仁矜烜爛我爲 皇家慶清晏億萬斯年常如此梯航繪作畫
圖 獻偶逢休澣命駕遊觸目琳瑯光氣浮始信山川不愛寶
盡歸闌闔壯 神州自昔 京華物力饒梵宇仙觀凌清霄况
遇泰階調玉燭新羅百濟俱來朝司馬新詩推獨步離奇光怪
耀細素長安作者有如林此事終輸杜武庫

七夕

今夕是何夕金鎖事有無牛象摹其似支機形亦殊何有男女
別相思復相娛鵲橋通笠牧河鼓隔名姝人嗟會面難我懼陽
臺誣世間癡兒女乞巧向清都豈知新秋月霞光五色俱才人
競作賦何事不可愚

神女

余七夕詩代牛女解矣再
為神女浴神湘妃剖之

巫山峰十二秀色類名姝碧雲窩寶髻青蓮插鬢蘇錦江濯素
練彩霞牽華裾此中有靈氣飄渺不可呼胡為高唐賦宋玉肆
矯誣謂有楚襄王朝暮謬歡娛瓊姿澄秋水飛步上清都掩泣
訴天帝帝聽亦噓吁神鞭鞭其背雷火火其軀傳語輕薄者勿
言理所無

洛神

讀畫龔卷第三六

六

浙江書局刊

維水亦有垠維洛亦有神輕霞散漣漪芙蓉不照塵靈威端天
紀妖狐化美人明珠采合浦翠羽拾芳茵輕軀豈鶴立塗椒誰
郁勻采旄終無託桂旗未是因狂心自振蕩微波欲通姻接歡
媒幽渺達誠珮逡巡癡情空延伫謾賦良可嘖千秋萬世後應
有會心人

湘妃

帝舜過期頤二姚齒與侶七十朝許杖百歲那巡楚聖后禮尊
崇下比湘江女蒼梧鼎湖非鼓瑟向何處有竹在在斑不獨染
茲土鳴條尙可稽黃陵空弔古詞人喜驚奇綺句豔筆楮潭龍
奮鬣起雷電薄風雨九疑失其青一氣連洲渚共濤洞庭翻焉
問及浦激應有神靈怒世人莫輕語

偶題

日月何須急千年止一暮少窮宣聖理老愛杜陵詩吟興偶然發風流任所之人生貴得意攘攘亦奚爲

送張真人南還二首

三載朝天去孤雲伴野臣乘鸞蘇羽客騎鹿葛山人符劍憑真籙金丹不爲身千年龍虎地聳翠接青旻

疊前韻

華髮黃冠子青山舊世臣斬蛟君後輩驅魅卽前人媛鹿嘗供果乾坤不老身飄飄雲裏駕望斷入蒼旻

方節婦毛氏贈言

上有婺星精下有霧山昂盪磨幾千載名媛產石香父官祥符尹婿婚就大梁媒氏陳束帛羔雁鳴中堂百輛盈道路起若鸞鳳翔文袍綴藻黼玉體映羅裳頭安金步搖耳繫明月璫合儀

讀聖集卷第二十六

七

浙江書局刊

x三x

希世出兩美重珪璋會應百年合豈知數月戕危樓悲虛空一墮期同殤天心未遽絕柔骨反得康從茲不再活母氏慎維防翻然圖立後歸家作未亡一旦營雙穴願侍夫子傍翁姑苦勸勉泣涕不可當云我分內事何用多憂惶焉計身後名求不愧懿良絕粒貞初志韓息連理芳風雷同其壯日月同具光臣忠與子孝萬古有綱常

慎藥詩

炎帝嘗百草神醫稱盧鵠前聖憫愚蒙覃心研制作歷代有傳人良方著不惡於以救人生老幼皆康樂近世初學輩精意那探索舉一而廢百私智敢穿鑿見熱遂投涼疑虛卽補弱驚人發散輕最害清消虐僮父醫之能調元氣自若參芪與苓黃雖備半高閣前者陳京兆病目服寒醪遂致中氣傷脾虧竟悞卻

蹉爾蔣太僕亦猶省齋昨又聞學士錢桂附助炎灼可嘆三君子同時死於藥推之累萬千舉此特約略老親近期頤丸片何嘗囁子從田間來廿年不知瘡加餐沃清羹精力頗餘綽刊有化育方和平時間淪但病卽停之空腹同寥廓吾曩五子女偶病欠審度誤爲女醫攻刳心掌珠落厥後絕女醫所生咸跳躍還憶武林醫打成一片格後醫識前醫同方不肯各傷故吾姪清祇因胸膈痰大銷五十劑豈不捐壯魄雖曰有天命我迷悔不學復有三僕人忠勤不停腳背我醫痔漏涼丸三斤釀半粒旋不吞次第皆剝削司寇李公明宗伯王公拓病至但忍餓視藥等糟柏仙芝青精飯石髓盡兒諱最是閨中人極愚皆可愕已病不延醫遂爲待已薄兒病不延醫便嗔視兒膜我具有婆心力勸意頗博氣候有弗齊寒熱每見掠能饑是仙傳食填內

讀書金卷第三六

八

浙江書局刊

擊博屢試驗如響百保不一錯何用服毒草引刀乃自斫頤道著周易慎言節食約勸醫勿輕施勸人勿自矜涼固不可遽温亦勿輕攬人若聽我言百年奉蒸衲醫若聽我言子孫自傑卓共樂 堯舜世生生欣有託

題畫

斑竹爲闌牽牛帶花附之蜂飛其側

凌雲原有節出土本無心誰人截爲闌牽牛漫相侵又惹狂蜂蝶峭骨如不禁花亦有時改斑色自森森秋至看搖落何難作龍吟

張蓮嶽福安崇祀贈言

關中自昔雄鬱偉稱二華峻壁如削成卓立與天亞此間挺英傑峭直不少假福安神明宰鳴琴而敷化政成僅一載厥考終於舍聞之一痛絕七日隨地下哀哉至性人我聞淚如瀉篤孝

光並日愛親心如夏讀書植綱常懷思氣亦霸部民助賻還禮
祀神來訝千秋萬世名與嶽同方駕

送宋又宜遊山右便歸

幾年獻賦建章宮馬首駸駸望欲空劍指黃河天上去鄉從嵩
嶽麓邊通九江風物全朝北三晉雲山漸轉東不待分符看六
副才人詞翰薄詩筒

送魯謙菴之任惠潮二首

飛飛丹旆去翩翩不比藍關出謫年瀕海鯨鯢曾窟宅浮湘羽
鎬起頭連尉陀嶺粵終歸漢洋舶琳球自貢燕帝謂閩南需
鎖鑰澄清暫借不須延

行過盧溝易水寒五雲深處望金鑾虞廷官改銀臺使嵩嶽
名高蟬豸冠從此登天容易事不然秉鉞亦非難奈何攜手忽

臺臺金卷第二十六

九

浙江書局刊

分去秋雨西風淚灑翰

送陳擎石之任長沙

輶輶熊軾聽鸞聲送去秋風逐遠征治行陳蕃高軫病文章賈
誼重湘城樓依湖柳諸峰曉旗拂江雲萬派清兩地廉平功第
一二十石屬漢公卿

送張蒼岫遊江右前韻

高談幾月聽歌聲無奈良朋又遭征好句何嘗殊賈島雄文直
欲並張衡頻年作客囊全罄大邑將加水擬清畫舫西風君得
意攜姬並度豫章城

河陽十憶

瑤光臺

山川有性情草木具大略要欲追奇趣卽此躋丹閣望山白雲

堆望水泉原廓看龍拿雲霧如蜃起樓榭羣峰五天維廣渚綿
地絡崢嶸崑元團翦削成華嶽貝闕凌瑤光金幌披玲瓏井幹
環鬱林銀甍出蘿幕坐石聽鶯聲芳甸急農作秋町羅葳蕤春
畦綺紛錯花香遠近生飛鷗誠足樂江山萬里長寸心縈巖壑
水源匯萬派閣虛山影斜朝夜起寒色風來四面奢美景實清
和餘春散郊窪碧樹禰爲錦游鱗泳淺滙暉暉躍舞流霞水沼漸
紅葩芙蕖粉綺錯列植吐芳芽潺湲石溜瀉綿蠻聽處嘉吾激
多秀土亭上復才華文中之秋水人中之蓮花金卮浮積翠玉
斝酌流霞頻來物外賞盤桓興不賒良朋誰更壯飛控紫駟驅

鳳窩開元閣

鳳窩如拳小天風吹下迢佛頭青作頂東方蹲巨鼇欲尋仙人

望臺畫卷第三六

十

浙江書局刊

居奚憚登陟勞輕颺散微霞仰見巖岫高瓊宮矗層閣飛陛臨
丹霄羣峰列垣墉石磴截山腰紫庭風日好青槐問松颺綠帙
啟眞詞丹經脫塵囂清陰圓景動蕙色傾懷超一聽春鶯近再
視秋虹遙千金輕斗酒乳竇凝香膏浮雲自南北鄉思入彩毫

望鳳翔寺

俞元稱佳麗九苞繞鳳城驚無窮數飛舞入重圍龍岡森鱗
甲麟岫吐麟响虎峙馴耳伏象嶺卷鼻踈渴飲仙湖水光浮日
月明以此多靈異自昔鍾偉人紅蓮不在水分葉簇蒼嶸琳宮
煥金紫瓊廓響梵聲隱曖松霞被容與澗煙生翠竹林接珮萬
花谷爲鄰遂登玉尋頂表裏看華菁區中視景福天外仰宏仁

慶善寺

舊是平泉地少識歌舞場崔公宏願力改造何喬皇珠宮連貝

闕鐘鼓禱笙簧崇閎彌羅相璀璨紫金光寶號宣塵夢華林隱
慈航欲以祈民福因之保親康雨暘咸時若比戶足倉箱此意
誠仁厚吾樂爲廣颺遊客工詞賦名流綺文章隨時恣瀟灑風
亭沼氣涼卉木披濯錦魚鳥兩相將惜也徒懷想一日幾迴腸

玉虛宮

連雲閭闔啓天圍四面開鸞簫仙吹迥青漢鶴徘徊披霞接虬
蓋升旭耀崇臺鏘鏘玉鸞駕杳杳香霧來分砌列芝草充庭羅
瓊瑰丹梯觀日月瑤珮引風雷邃穆儀金闕穹窿廓且恢列翠
西山傍明湖一鏡洄福降羣仙下瑞繞百神陪清微天府內誦
讀始嬰孩自在蓮花閣右拱勝蓬萊燕雲三十載瞻拜思遐哉

三清宮

重樓鎖鑰地間闢小蓬壺聖廟雄威肅文昌雲漢符河流繞左

讀臺金卷第三六

十一

浙江書局刊

全層城拱右樞巍閣中天起虛檐敞四隅新陽舒惠日碧桃醉
春酥好風自南來池館耀荷葉有時涼颺入雪灑更可娛好景
無時序披襟樂與俱氤氳萃一氣青天開畫圖吾友多英傑登
覽無俗儒微言超恆賞濡毫勒典謨曠懷在千古松影散清觚

伏虎寺

西山何崔巍有利儼伏虎虎首不可昂諸天福茲土選勝列眞
宮層巒開峻宇莊嚴非一像變幻難窮數或從海上來騎龍擎
寶杵或自雲中至縛虎如腐鼠又或鞭雷電因之驅風雨總爲
眷下民干禳絕狹狹長松摩青天登臨無寒暑遠近送春日高
下閱鳥舉蘿徑轉連綿禩英汎瓊圃煙霞卷復飛樂此每狂舞

寶華寺

吾憶寶華寺靈巖喜不深尋勝山北麓幽居城西人幾年依僧

舍擁書理瑤琴俛首睇流俗望古有遐心層巒臨翠坂平野敞
清陰香風留梵瑤法雨灑檀林中崇崑盧閣旁列獅象蹲振玉
三殿藹陟高萬松岑五芝多秀色八桂常冬森玉筍看龍躍金
蓮聽鳳音羽客欣斑鹿瑤池來青禽茶圃聞倍蔚珠泉瀉到今

西浦

紫鼇穴地出鐵色錯於染空腹藏溟渤驚雷迸鑄坎溼沫從天
下萬古流不減龍窩長子孫蛟宮集蜿蜒雙泓蕩晴波奔注河
渠遠灌漑徧西郊浩澤無窮衍柳岸好鳥音崩崖帶苔蘚颺窟
叫層砗鷓鷃覺浮清淺遵渚泛蘭觴乘漪孺歌轉遊戲蓮花裏凜
浴神開展結賞同員嶠弄釣方壺坂天涯久滯客何時恣游覽

文明寺

附二首

萬竿煙雨處漢濱干畝少箕箒何森籟蒼筤自深窈竹林高七

讀臺叢卷第三六

三

浙江書局刊

賢香山推五老新剎藥珠宮歸若齊梁造袈裟禮玉相開國聚
多寶九色蓮花瓣三秀桂叢杪朱英間紅藥紫芝煥文藻以此
交輝映綠翳如添好稍去卽西磬何用尋瑤島伊人天一方假
翼羨高鳥是處皆可樂時時得懷抱夢迴曾嘯傲逸矣自幼少

藥師庵

小閣招提境乾坤結構新龍華開遠照香宇薦嘉薰鏡湖林處
士青山鄭子眞豈羨東陵富何嗟北郭貧端襟測煩海矯步寫
塵氛朝遊淨國侶暮集豪飲賓輕風搖襍蘼細雨亂叢茵蘭蕙
尤風轉流日射金鱗井蓮當夏吐窗桂逐秋芬雉樓標遠勝鹿
苑悟前因生煙紛漠漠叢樹曖勻勻昔年行樂地高天矚蒼旻

綠牡丹

萬千紅紫點春思別有天香繞碧池縱是梨花添雪色偏衣綠

葉挺幽姿

姚黃魏紫鬥春光碎翦雲霞雅製裳誰攜青枝上色紅妝換
作綠衣郎

曾聞柳汁染春衣國色輕將翠色移孔雀堂中雙袖舞綠珠一
貌冠羣姿

老將行

心頭說

十五卽騎生馬駒未能三十飽陰符誰言齒髮今非壯引臂猶
開五石弧

又

孫子談兵舊有名李家飛將慣專征形容不入麒麟畫鬢空
憐霜雪生

又

臺臺金卷第二十六

三

浙江書局刊

戈馬翩翩搖白野將軍嶽嶽坐朱林秋霜秋日晴相映照見年
來肘後金

姪泓旋滇詩以送之兼示兒宸黼

八首

昨日異今日今去異昨歡踟躕河橋岸北風吹我寒不惜風吹
寒爲汝故跚跚人生如過隙別淚灑江干居者忽復返行者最
辛艱似有千尺繩繫我心與肝焉得紫貂裘爲汝添衣單執手
苦叮嚀體我心或寬

其二

仲由嗟負米冉子念友將嗟爾呱呱時遂抱杯捲傷柏堂親襁
褓黃口常饑厄逆氣幸殄滅迎母汝扶匡雖乏甘毳奉共聚保
安康母爲飛鵲鏡子爲戲彩粧悠悠聖善心從今至于霜奈何
告辭去爲汝兩傍徨

其三

痛昔妖氛亂南北十年歧汝母先捐棄太母為舍飴汝父旋遭
變千古憤同悲遙聞一痛絕夢想存容姿丹青貌圖畫彷彿靈
均為正氣常指髮汝母旁低眉留此牽吾淚付汝好攜持瞻依
當晨夕更以永孝思

其四

先靈所憑依北山築纍纍祭雖非古抔土安可遺習俗華宮
室翩翩裘馬馳肆筵設鼎俎賓朋羅錦帷歲時則簡陋忘彼風
木悲命汝往修飾祠堂煥西陲高丘列石馬表墓鐫豐碑燕嘗
謹厥祀有如我追思

其五

神物必有偶磁石金相連兄友而弟恭親心得懽然戶庭無外

龔臺公集卷三十六

尚

浙江書局刊

梅和樂一氣聯吾昔與汝父甘苦二十年汝今與汝弟骨肉同
周旋離別雖須臾思愛終不憇汝去天涯外我步鳳樓前父子
兄弟情萬里隨風牽

其六

生男為鴻鵠生女成鴛鴦女貞木珍愛同珪璋天運何不
造長女折鸞凰次女萬里外思我不暫忘四女英年寡三女伉
儷良苦節痛何極人生凜綱常百川雖東逝北辰有迴光汝去
好扶持同德以相將

其七

聖教著中和謙讓即其亞王道本平平吒怒名為霸孔子於鄉
黨恂恂無可假氣質或有偏所貴能變化涵養德性醇溫恭同
舒夏眾人不可先所以甯居下吾家世忠厚守雌而遜謝敬矣

柔其躬去傲謹誇詐

其八

太儀何汝寥萬物紛迴薄逝者日如斯我躬安所託文章載道器六經非糟粕良玉貴琢磨梓材宜丹腹汝其聽微言洽如鈞天作彈琴見先生兀居匪寂寞雖無金玉相淵魚自飛躍大禹股無毛仲尼迹屢削

勉學示兒宸補并姪胤八首

聞道豈必早立德苦不固嗟予困蒙弱老大猶未樹先民詔遺矩乃在行其素外物焉足希澄心任所遇宜戒出位思恆存衾影慮毋曰獨居暗希微漸成著毋曰戲淪小君子有常度穴防終以決往水不返湖

其二

讀書彙卷第二十六

五

浙江書局刊

華屋非不美環堵庸何傷多才戒舞智美閉靡不彰言溫動有禮所貴用心臧富非聖所卻貧歟士宜忘文武道未墜聖謨何洋洋我生服胎教少小修天常吁嗟今老矣夙夜未敢荒汝輩能加勉可升德行堂

其三

崇山蘊寶玉滄海聚龍魚橘柚貴芬素匪尙葉華殊小人箕其舌君子靜若虛食德爲高梁服道乃錦襦我行曲其躬猶恐蹶於塗我三緘其口猶恐重厥辜佻佻彼公子與戎走孟豬謹言與慎行煌哉載詩書

其四

戒爾慎交遊昔賢重磋切寶玉在攻瑕龍阿貴磨缺邇來翻覆場雲興雨亦接眉宇徒激昂未必露心骨縱復遇新知背面旋

指摘我自守忠信俄頃遭傾跌何必拘絕交但當守己拙襟懷
豁落開光風同霽月

其五

豪飲不在聲甘味如嚼蔗浩氣塞兩間僂非自霸神物解隱
形百川爭赴下古者英雄資慮爲物所吃往往貴藏鋒爲冬不
爲夏唾或沈於面頤或柔於腠血性與剛腸瀝盡當如醉宅心
游太虛萬物一以謝

我從溟荒來九苞非所駕眇小彫蟲技受恩等太華持此自
璧躬期以答大化鬚髮成素絲貧寒殊可訝開府兩名都言之
便成詐臣朝饑欲死將母焉能罷溝壑吾自填累汝遭嗔吃誰
信作撫家囊空如淘瀉

其七

鹽臺文集卷第六

六

浙江書局刊

耕讀吾家事桑麻風且清負插向南野編籍可隨身我卽同禾
黍春笑而冬顰茅茨襍春花歲時樂佳辰晴好雨亦好所遇無
不新晚煙生平疇澹漠迷溪津熒熒燈徹夜學識由以臻自昔
英賢輩誰能不賤貧

其八

太山鬱嵯峨黃河流滔滔狂瀾須砥柱疾風無鴻毛隆冬不肅
殺萬物奚光昭神龍尙飢渴君子豈蘭膏堂堂並爲仁六經宜
爬搔非義而富榮不學耽麪槽仰辜昊天德俯愧白華標登山
貴乘勢少壯可憚勞

甲戌除日

身依輦下履跚跚廿載深恩愧素餐幾度春風忙裏過數

聲爆竹邸中歡
朝元拜手來朝事
戲綵娛親竟夜闌
多少勞
勞名利客屠蘇傾處百懷寬

卽韻 仲秋眷口南發母老暈輿留 京

飄零骨月歧南北
萬里鄉關夢到難
今歲今宵且過了
明年明日又相看
期頤老母添悲緒
耳順癡兒幸有官
試酌椒觴爲獻
壽香銷紅雪不勝寒

讀書臺全集卷第三十六

七

浙江書局刊

讀書堂綵衣全集卷三十六

注 灝訂

河陽趙士麟玉峰父著

受業彭甯求輯

男 宸黼編

卷三十七

紀盛詩 六十七首

紀盛序

歲甲戌夏五 皇上萬幾之暇 召翰苑諸臣賦詩應 制兼
及論賦且給筆札 賜珍饈自古以來禮下之隆未有若斯之
優渥也而諸臣生 右文之朝遭逢 寵遇莫不藻思泉湧文
采葩流研精竭慮以求稱乎 上旨雖虞廷卿雲之奏何以加
焉 臣 備員銓衡幸覩千秋之鉅典有慕於中依韻奉和復為恭

讀臺叢卷第三十七

浙江書局刊

紀詩併附論賦於其未退食餘閒歷久後成較之諸臣憂玉鏘
金邇源風雅不移晷而已就人才相去不霄壤哉 臣 鄙俚之音
不計工拙謹以紀 盛事誌歲月云爾吏部左侍郎 臣 趙士麟

康熙三十三年夏五月初九日少詹事 臣 李錄子朱阜侍

讀學士 臣 顧祖榮李鎧入直

擬夏日 內庭應 制 七言律

鷓鴣踰踰向 紫鑾競看簇仗下雲端 黃扉邃密幾忘夏碧
樹迢遙倏欲寒伏案垂紳舒委佩瞻 天挾藻肅柔翰 恩波
此日深無極珍饈傳呼給大官

恭紀

序入南訛景物妍宮僚寓直近花輒龍池初種迎涼草 鳳閣
時揮解愠絃箋出 尚方飛素練香焚甲煎 去聲香名 繞蒼煙

盛朝重觀廣麗典袍袖猶沾御墨鮮

初十日侍讀學士臣徐嘉炎侍講學士臣張廷瓚史夔曹

自景擬賦得西園翰墨林應詠制五言排律八韻

北極宸居壯西園別業幽鼎彝環錦席書畫擁珠樓古色簾櫳映青輝
縑素流七家稱絕藝四聖擅千秋鸞鵲沖霄起煙霏隔嶺浮烘
皴疑石墨波磔比銀鉤豈若西山去殊勝林屋遊披圖尋顧陸灑翰
待應劉

買傳恭紀五言律

二酉圖書祕府收縹緗滿架足千秋墨痕浮動煙雲繞筆勢翩
颺金石留芸閣香飛鶴禁外玉山光映鳳池頭誦詩講易叨恩
醉絕勝探奇宛委遊宛委山名多藏書見史記

讀臺龔卷第三十七

十一日左庶子臣陳論右庶子臣孫岳頌侍讀臣張榕端

王思賦入直五言律

擬賦得膏雨潤公田應制

農事資東作三春屬望誠何時靈雨降先我大田盈處處操豚
祝村村負耒迎幽風猶未遠忠愛見輿情

保介親瞻帝籍儀又逢青甸省耕時彤廷未獻卿雲頌

朝右爭傳喜雨詩宮草均沾甘澤潤林花盡荷土膏滋昊蒼
自是從民欲先灑公田後及私

十二日侍讀臣陸宥堂侍講臣余志貞彭定求左諭德臣

沈涵入直五言律

擬賦得紫禁朱櫻出土闌應制五言律限五微

曲江曾與櫻桃宴今日承恩賜禁闈顆琢珊瑚堆翠葉盤盛
瑪瑙映朱衣摘來御苑香仍在捧出仙階露未晞珍重瓊
漿奚足擬步趨猶自凜天威

恭紀

上闌朱實渺難攀入尺雕盤中使頌薦廟初陳青玉案會
朝旋賜紫宸班圓同火齊去聲珠名來三島色似金丹出九還何
幸追隨寮案後拜恩歸獻破慈顏

十三日洗馬

臣王象隨左中允

臣王沛思左贊善

臣沈朝

初陸菜入直

擬詠金蓮花應制

五言律限入齊

聞道名山產花開百鍊齊光搖白玉檻色煥紫金泥禁閣燈
爭豔仙臺樹欲迷臨風時灼燦珍賞勅標題

讀書臺集卷第三十七

三

浙江書局刊

恭紀

名花傳自佛場來光氣凝盆別樣栽瓣立金身窺色相枝擎寶
炬映樓臺幸依禁苑含香遠不染汗泥帶露開玉井峰頭蓮
十丈獨輪燦爛在蓬萊

十四日右中允

臣

楊大鶴彭甯求右贊善

臣

魏希徵司業

彭會淇入直

擬賦得崇文聊駐輦應制

五言古限輦字

山水人所娛眷此崇文館餐勝搜古腴燦若墳與典噦噦駐
鸞旂聊以寄游行襟佩拂緒風落花承步輦

恭紀

鳳輦來遊駐彩霞崇文遙望碧山斜仙音縹緲巖廊曲飛蓋參
差洞壑賒乳燕頻穿太液柳嬌鶯低啄上林花五星此日占奎

聚虎觀談經未足誇

十五日檢討

臣胡作梅編修

臣仇兆鼈徐元正汪灝入直

擬賦得衣露淨琴張應

制

五言律限五微

月夜松陰靜遙聞漏滴稀孤鴻猶宿唳零露自霏霏春暗頻燒燭更深復進衣五絃排座右留待好風揮

恭紀

小橋流水卽滄浪

暗水流經

纖月疏星映草堂

風林纖月 春星草堂

銀漢無聲

凝沆漑金華漸冷逼衣裳深尊徐引書連屋綠綺橫鋪花滿牀
檢書燒燭 看劍引杯涼夜碧天真似洗一彈再鼓鶴鸞翔

十六日編修

臣陳遷鶴修撰

臣沈廷文編修

臣陳元龍檢

討 臣王之樞入直

擬恭讀

御製覽貞觀政要詩應

制

五言律限二蕭

讀書全集卷第三十七

四

浙江書局刊

夜分常覽史 睿鑒百王超創業多英辟貞觀亦治朝瀛洲得士盛麟閣建功遙異代邀 華袞勳名定不祧

恭紀

文皇風雨佐開基天日容儀龍鳳姿青史已傳恢厥服綈囊猶足見風期行仁屢奏西成效納諫時教東閣隨 泰岱不辭土壤細一編恆向石渠披

十七日編修

臣

袁佑王化鶴檢討

臣

潘應賓方韓入直

擬恭讀

御製時巡近郊憫農事有作應

制

五言律

限八齊

時邁遵周制歛蒸念夏畦揚旌觀薙草 止輦慰扶犁望雨偏占畢愁霖或現霓 行臺親染翰總爲萬方題

恭紀

三輔均沾 帝澤平 鑿輿時幸慰蒼生 西郊不雨勞宸眷
東作方殷繫眾情 玉輅過時號鳥歇 翠旗飄處落花輕 桑
陰麥隴催耕集嘉穎 當秋報厥成

十八日編修 臣張豫章鄭崑瑛檢討 臣劉涵編修 臣張希

良入直

擬恭讀 御製懋勤殿讀尚書至無逸篇有作應 制

五言律限五微

書教先無逸 皇朝實嗣徽山龍端 主極稼穡念民依時止
求言輦常披 問夜衣千秋 垂帝範雲漢有光輝

恭紀

書陳無逸坐 彤闈宮殿風高晝漏微 勤政稔知符哲后

惜陰仰見紹前徽 縹囊乍起清暉映 玉几徐凭朱鳥飛 誰謂

讀書全集卷三十七

五

浙江書局刊

太平多暇豫 九重天子尚宵衣

十九日編修 臣沈辰垣李孚青宋敏求宋大業沈三曾檢

討 臣劉坤魯瑗宋如辰入直

擬恭讀 御製詠觀天儀器詩應 制 五言律限九佳

帝德與天合 爭傳制度佳 銅儀來漢殿 玉瑄溯虞階 五紀由

茲正三辰自爾諧 誦詩知奉若奕世仰 淵懷

恭紀

盛朝儀象重靈臺 親視璣衡 洒翰來官設 保章司緯度 詩

傳 睿藻仰昭回 五星聯絡如珠貫 四序調和應瑄瑄 欽若己

符古帝意微 臣終乏測天才

二十六日編修 臣吳世燾湯右曾郝士鈞凌紹雯劉灝張

復檢討 臣宋朝楠彭始博葉淳入直

擬 聖駕夏日閱視河隄應 制 五言律限六魚

當夏河流匯 時巡意欲舒 六龍親駐輦 萬姓免為魚舟楫
凌風渡溝陸帶月 鋤宣房煩竹石 漢武策終疏

恭紀

巡河仲夏 翠華來 帝力功高神禹哉 浪蹴魚龍吞日月波
回天地靜風雷水衡不惜金錢費 楓陛時咨疏淪才瓠子築
宮沉璧馬新書空付史遷裁

勤入直 二十七日修撰 戴有祺編修 吳昂檢討 范光宗孫

擬恭讀

御製宮門聽政示各部諸 詩應 制 五言

律限六麻

百僚齊贊采 臨御向金華 帝意同鞞鐸 天章絢綺霞

讀書臺全集卷第二十七

六

浙江書局刊

誠情倍切零雨望偏賒 永作韋弦佩迓衡佐 國家

恭紀

宣政門前鵠立看欣傳五色降 金鑾堯咨舜徵應無異 鳳
藻龍章自不刊 南雅風高調六律 鼓鐘聲振肅千官 昇平清奏
徵 宸訓揚厲微衷愧素餐

二十八日編修 許賀來檢討 梅之珩張明先李朝鼎

入直

擬恭讀 御製詠史詩應 制 七言律限十灰

論斷從來重史才 今瞻 宸扆出新裁 偶經 袞鉞一言定 頓
使心胸萬古開 嚴比玉衡懸 黼座朗如金 鏡列瓊臺我 皇
天授非人力遙望光華燭上台

恭紀

編年紀傳列青蒲 咏史詩垂曠代模 一代興衰昭日月千秋
著鑑重盤孟音諧 金石調仙籟筆染香雲繞 御璫宸翰自
同奎藻燦 廷前舞鳳勝韶虞

二十九日檢討

臣

鄧咸齊鄭際泰竇克勤徐日暄入直

擬渾天儀應制

七言律限十蒸

帝王御宇瑞圖膺 首重人時典可徵 葭莖效靈古有此璿璣定
制代相仍天官 布算三家異星野 分司二正能 聖世渾儀原
合度龍門疏略未堪稱

恭紀

羲和遺法四千年 儀象猶聞焉相傳 日月遙從銅管度 星辰盡
向玉衡旋 一行鈔解今重見 守敬精思昔未宣 率土咸知遵正
朔 萬年長此戴 堯天

讀書臺集卷第三十七

七

浙江書局刊

閏五月初一日編修

臣

楊中訥姚宏緒潘從律張瑗王奕

清入直

擬賦得虚心高節雪霜中應制

七言律限十二支

倚倚千畝望氤氳 舞鶴棲鸞自昔聞 已見池臺增翠靄 豈徒風
雨挹清芬 蘭心卻冷含香氣 松幹衝寒長蘚紋 何似 玉階邀
顧盼 縱逢霜雪尚凌雲

恭紀

中虛節勁獨亭亭 披霧含烟入靄冥 甘露初霏彩鳳下 驚雷忽
動籟龍醒 雪中只覺千竿秀 霜後偏增萬个青 如爾孤芳原不
俗 高懷應有子猷經

初二日編修

臣

胡潤戴紱檢討

臣

冉觀祖楊名時王傳入

直

擬讀朱子文集應 制 五言律十四寒

濂洛風微後仔肩吾道難名真如泰嶽力可障狂瀾遺集 金
華進封章 玉座看海隅知誦法不獨啟 朝端

恭紀

祕閣琳瑯石室寬 皇心稽古契新安珠樓時見瑤函啟乙夜
還呈甲帳看六籍表章傳聖緒四句獻替重朝端夔龍應繼宗
風起誠正無忘侍 玉鑾

初三日檢討 臣 王者臣張曾慶劉琰李象元文志鯨入直

擬賦得駐輦華林側應 制 五言律十三覃

名園時望幸遲日稅 鸞驂金石禽魚震旌旄父老諳洞房連
曲磴複道俯寒潭歸路春城晚冰輪候遠嵐

恭紀

讀書堂全集卷第三十七

八

浙江書局刊

三月華林景候和鏘鏘上苑入鸞過花留仙仗偏能舞鳥傍瓊
筵亦解歌箭飲石梁輕似羽馬盤金埒快如梭 宸遊足繼卷
阿盛湛露頰沾碧草多

初四日 召集西苑學士 臣 王揆李栴顧藻及翰林諸臣

八十人

試理學真偽論恭紀

文教昌明治化新千秋聖緒屬 陶鈞普天共仰 紹中統吾
道重瞻 建極人姚姒傳心非有偽淵源溯始本原真豈惟
睿藻精衡鑒崇正欲將士習醅

豐澤園賦恭紀

頻年蠲賑普 皇霖銀胸高題見 帝心 鸞輅每因新穎出

龍旂常爲有秋臨茅茨不剪風彌古耒耜時陳意自深總爲

良依勤稼穡微臣學頌愧琅琳

新秋四首

赤日方燠幾度愁蕭蕭新爽到林丘炎暄漸薄雲思冷枕簟初涼水欲流方幸燭龍驅酷暑何勞宋玉更悲秋悠然忽動凭高興騎出西郊學浪遊

銀塘澹宕水雲空菰葉吹殘島嶼風午熱半經細雨卻晚涼不待早霜融芭蕉怯夏先辭綠茵苔驚秋尙欲紅清景何須啾寂寞黃花次第到籬東

盛世由來薄貢球雨暘各敘稼禾稠三時務急期今日萬寶將成翼有收撲撲稻香來野甸田田蔬葉稌黃疇定知農扈倉箱足到處壺觴醉晚秋

西風乍動鬢華新甚矣吾衰一老臣百歲難言百歲樂一年又

讀書集卷第三十七

九

浙江書局刊

去一年春仲宣作賦非同調張翰思鱸別有神妙絕予痴全不管舞斑獨戲日娛親

中秋望雲亭同人醉月篇

朦朧層城月隱隱明河渭月中何所有云是仙桂枝天風吹香下空秋入吾肺腑蕩青甌吾友一傾能幾斗橫飛健筆大於帚飄渺燕山千萬峰雪湧霞酣雲亂走黑雲風槎成細索皓月天開如手剝彩雲依舊月華生添護蟾宮桂花焯初如秋水之芙蓉亭亭灑灑而獨支漸如素質之美人團團對鏡而驕姿高如中天之麗日卻使冰巖雪壑而換影又如無根之璇衡西轉天容下寫而生奇靜裏千枝堆玉葉傾來滿地撒金卮霜蛾飄墮菊葳蕤佳人失暗怯簾帷火齊出海龜鼉知蛭脂照怪族蚩蚩此時峨峩千山徧瓊琚瀟湘八月涵清虛蓬島瑤華隱珊瑚滄

海魚龍抱明珠昔照漢宮樓閣涼更墜金鵝琥珀光文犀玳瑁
妝細碎龍腦一縷飛中央今夜鴛鴦隋苑浴今夜許史綺筵張
石家步幄羅錦繡海國玻瓈掩縹緗婉婉閨房推絡秀拳帷執
輓相扶將朱脣粉暈山眉遠愁來皺斷春蠶繭石娘嬌小不辭
觴夜深潮淺顛紅軟秦時笛裏關月明輝光流入漢家營前軍
將軍屯蔥嶺後乘十萬度金城何人不歌邊塞月何月不照遠
征人幾家少婦掩羅袖幾家老嫠拂紅睛別有砧聲敲冷月啾
啾切切傷蛩鳴又見優曇蓮花白璘璘繡成旛蓋雙虹均空山
大眾迷花雨夜壑孤藤看佛經亦有仙侶向瑤池洞簫無和傍
月吹飛霞錯落溪邊坐陶然共醉騎尾箕梁園庭樹秋風起寒
影翛翛委流水人間歲月如春花愁雲思海從何始人如一葉
浮清空搖曳綃煙縠霧中欲趁游絲自飛墮笑逐天邊鶴髮翁

讀書臺全集卷第三十七

十

浙江書局刊

又三川

吾人胸中浩浩落落如香水海之洪流焉計海水中之一漚此
夕如辭喧阓城市江頭飲鶯謂天吞日浴乾坤浮試看天上天
下惟有不立文字之文真奇造雖無鐘鼓管籥鞀磬柷敵相競
噪乘歡便醉好哦月一切鐘鼎竹帛且勿道

滇南襟憶二十四首

太華山 滇池西

太華壁立少華鄰端笏垂紳儼蓋臣鬱律森森昆水上天風吹
下自西秦

螺山 滇池西

螺擁出來高玉案鼇移不去瞰昆池石如佛頂盤青鬢色似獅
毛散綠披

玉案山 滇池西

玉山斜古半安禪灑嶽晴光花欲然深澗秋藏三夏雨老松晚帶六朝煙

金馬山 省城東

天開閭闔霜蹠蹠汗血由來駕紫微渴向昆明池內飲雲驤霹

靄逐龍飛

碧雞山 省城西

彩雲一片舞天雞五色光中望欲迷化作青山千載碧王褒空

自度巴西

昆明池 省城西

漢武鑿池鑿水戰雄圖欲事西南彝吾生幸近昆明畔一日煙

波十二時

武侯祠

讀書臺集卷第三十七

七

浙江書局刊

兵路如碁一著先先生入蜀首南天擒來七縱真游戲今日詩

書祀昔賢

夜市 省城予童見之變後則否今有起色

昆華曾見太平人隨地壺觴夜夜春喧市不驚絲竹靜蓮花雞

踏火珠新

金蓮山 徽江城東

隻手擎天推玉筍羣峰捧日見金星瑤池一葉蓮花瓣長擲湖

邊炳六經

文廟建於山麓

玉筍山 徽江城南一名文筆山

五峰屹屹山成架一水灣灣硯似蓮我醉風吹煙雨散手探彩

筆寫青天

撫仙湖 徽江城南

三島十洲臣朔記依稀風景似南中煙江疊障連空翠畫裏仙湖近海東

點蒼山 大理城西四時有雪

點蒼拔地三千仞積雪留雲隱萬松我欲移來置一榻與山坐對看寒峰

洱海 大理城東

蒼山倒插澄如練九曲三洲繞葉榆 漢郡名今大理 洗耳漱流無不可浴蛟飲鹿聽相需

九隆山 永昌城南

蒲蠻舊俗那能堪花脚金牙髮是鬚今日竟成名勝地風華譜作小江南

煥文山 臨安城東

讀書臺集卷第三十七

三

浙江書局刊

人文煥發牂牁地澂郡石屏昆水連徹夜書聲君試聽奎光不獨耀山川

溫泉 安甯

天下名泉推第一何渠不作硫磺香華山玉女洗頭水灑向螳川澡雪霜 螳螂川即其地名

金沙江 麗江

禹經黑水麗江侵赤赤波光別有琛共說神霄居老子丹壚敲處撒黃金

銅柱 交趾界有分茅嶺草木分向

銅柱功高馬伏波茅分南北界山河可憐薏苡成遺恨千載傷心奈若何

雞足山 鄧州

傳來雞足八大寺三百六十號小菴靜室幾千僧入定玉樓金

殿鎖優曇金殿盡以銅爲之

諸蠻此前丁亥戊子事童時歷之

蠻奴蠻女叛相尋騎象繚絨齒鏤金孟養阿迷連孟密三地名

酋名必魁沙名定萬上酋婦自首叛沙洲幾翻侵妻沙同叛

山茶花通海倍佳

姚黃魏紫牡丹豔並蒂雙花茵茗鮮百瓣九心紅尺許名葩殿

最恐難前

扶桑花

烘脂炙粉點春酥海日生光燄吐珠欲借化工眞國手爲添王

會百花圖

檳榔

讀書臺全集卷二十七

三

浙江書局刊

賦性疏通春澗水生香嚴正桂花風珊瑚細嚼流虹墮未是胭

脂一抹紅

波羅蜜

楚江蘋實不尋常那見如瓜帶異香一片波羅一片蜜人間天

上有瓊漿

讀書堂綵衣全集

葛長祚訂

河陽趙士麟玉峰父著

受業劉愈輯

男宸黼編

卷三十八

乙亥詩 二百一十六首

乙亥元旦早朝恭紀二律

五夜疎鐘啓曙光晨星歷歷燭煌煌 鑾由 先殿虔昭事

輅轉 慈宮進壽觴百爾臣工嚴委珮萬年 天子拱明堂鵠

班虎拜鳴僊吹玉麻乾符泰道長

履端伊始慶昇平萬國呼嵩頌 聖明淑氣遙連鵲鵲觀春光

早到鳳凰城日迎雉尾開仙仗香繞螭頭接太清共上 堯樽

讀書堂卷第三十八

一

浙江書局刊

齊伏祝雲韶合奏九如賡

上元前三日宛平夫子召飲怡園同席鐵菴翁大司寇醒

齋李大司空阮亭王少司農吳廬王少宗伯曼園張少

司馬觀燈樂甚不揣燕陋卽事輒賦長歌一篇用紀其

盛且以宣德述情焉

皇王御宇宙至治紹唐虞玉燭調元化金甌建永圖金甌玉燭

傳昌熾豐稔年年臻上瑞萬方球帛盡朝宗八表車書會燕翼

珠斗春回麗春夕椒花競獻辛盤赤上元燈火徹九衢相國開

筵石賓客秩秩華堂張錦繡龍銜鳳吐光如晝水晶屏邊列炬

攢表裏通明異雕鏤同人共坐萬花叢花芽龍腦暗相逗家有

梨園世絕倫笙桐法曲善才唐伶授清歌宛轉逼絳霄柘枝善

舞腰圍瘦瓊蘇之酒出仙廚酡顏愉色令人壽停杯邀向名園

遊迴廊曲榭藏丹丘谿深谷轉寒凝凍幾疑無路前復留忽度
小橋遇花梗珊瑚火齊烟波映仰見龍膏萬樹紅知非誤入桃
源境側身緣峻嶺疊足下巉崖朱軒一何敞捲幔豁幽懷中設
波羅架來自昆明涯滇西竺國迢萬里離奇光怪非恆比貝葉
千重金纍絲人人盡在佛光裏佛光高放紫煙升寶蓋瓔珞連
珠明雙眸應接殊不暇魚龍出沒波濤驚化身千億非一狀冉
冉虛空下白象珠絡錦羈簇金鞍低眉文佛趺其上諸天或從
海上駕山來或自雲中乘鶴至或散天花舞繽紛或鞭雷電驅
蟲虻更有緇素騎青猊依稀仙人跨赤鯉多寶之塔白如銀雞
踏蓮花爬巨趾封人旣效三多祝祈年更願五穀登五穀豐登
字爍爍盡是藍光香霧騰銅鼓忽迎神女笑竹枝低唱雷兒妖
將團夜月燈花滿如醉春桃繡帶招東望一峰越天表蟠棟虹

讀書臺集卷第三十八

二

浙江書局刊

卷三十八

梁五雲繞壁聚奎聯手可探有時銀漢注懷抱氤氳仙樂半空
鳴小閣透池接火城爆竹通天裂帛聲萬弩齊發光縱橫洞心
駭目亦已久旋飲醕醪酌大斗東方木公馭蒼龍金馬驂鸞尊
前走漢時芳苒燈名絢紅霞晉代芙蓉燈名巧工丁緩所製鬪絳紗以茲較
之更燦爛百枝四照皆燈名奚足誇鼇峰出海輝三島火樹當春
吐九華始知洞日神仙府不及人間宰相家况有金榜 題丹

鳳銀鉤鐵畫光鋸動 君臣一德古所稀曲江風度千秋誦司
寇司馬大司空瞻仰 天章頌天工二王權忭稱 神聖此身
如在蓬萊宮相公燮理秉 國鈞風和氣靄無纖塵寶筵幸與
傳柑宴盛事親爲補袞陳豈但吾曹依霽月直令寰宇沐陽春
願同黔首祈元老常侍 黃扉佐 聖人

千騎春郊簇簇催上元寰宇樂春臺春風春夜春燈亂十四夜風春
日春觴春苑開花怯春寒芬未吐柳乘春色綠將來叨恩不
不異春霖普共戴春光得意回

詠料絲燈次史耕巖學士韻

覓得靈芸掌內絲練成五色製殊奇迥超漢殿鏤金勝宵伴隋
都剪綵枝看去羅紈原自別謾逢歌管總相宜蔚藍天畔應如
此請放鰕鬚試一窺

銀鉤高縮燦西東仙吹飄颺盪碧空勁若冰絲能奪月湛如玉
露卻當風尊含琥珀光含蚌炬擁穠瑜燄吐虹可惜瑤編無紀
載依稀擬似玉堂中

玉辟輕寒犀辟塵爭看巧製簇芳茵離離宮樹時穿燕渺渺仙
池暗躍鱗繡幙新勻碧玉面瓊樓半掩綠珠身良宵燦爛渾如

讀書臺全集卷第三十八

三

浙江書局刊

書莫向銀蟾遠問津

芙蓉芳苴昔時稱琢月鏤金別樣興華蓋飄游銅作柱流蘇交
綴錦爲稜光騰綺席花千樹影射湘簾波萬層自是時新能奪
目西京爲撤九微燈

賦得曉樹流鶯滿張石虹中允囑和排律十二韻限八庚

禁苑鐘催曙園林鳥弄晴雪殘鳩鵲觀春到鳳凰城淑氣迎鸞
輅晨光捲翠旌侍臣隨輦出簇仗就班行殿轉披香近池經太
液平有花長罨蝶無樹不藏鶯色比黃裳燦音同玉笛清時聞
求友急已覺繞枝盈檻畔芳蘭秀檐前瑞柳橫承恩遊未倦受
詔句先成應以雙柑賞還將斗酒傾獨憐邀顧盼常得聽簫笙

季春同素九熊太宰敦復張太宗伯羨門彭少宰李公凱

顧復齋張隨齋史胄司曹蓼懷王薛澱諸學士集翰林

院試八旗俊秀排律二十四韻

豐芭簪纓盛蓬萊氣象新掄英承上命分校及微臣多士觀
光久 皇仁造就均操觚環席舍執簡受陶甄拂暑隨先輩升
堂謁 聖入金聲儼在魯鐸響軼於秦共步鸞坡側同遊鳳沼
濱好風來面面嬌鳥語頻頻雅集當新夏長吟送暮春餘寒仍
未解似熱亦相因淪茗笑加評浮尊僭作賓柯亭看有翠玉宇
淨無塵淺綠階前嫩輕紅檻外勻槐高時礙日井古自生粼銀
盃淘冰藕桃笙臥錦茵樂成欽往訓敬一啟迷津祕笈傳 清
禁藏書出 紫宸諸公皆夙望愚也幸邀親驥足馳如電毫端
信若神弃歟若鍛羽售者遂通身燕許司冰鑑篇章定雅醇奇
文欣共賞連茹使之伸濟濟 天家彥煌煌大貝陳戒期將畢
事向晚附歸輪

讀書臺全集卷第三十八

四

浙江書局刊

暮春西郊見林花初放阮亭王少司農囑賦

三月煙花豔冶時金鸚寶馬競追隨紅牽遊女桃方麗綠賺王
孫草正披乍煖仍寒花氣足似晴欲雨蝶飛遲欣逢虎拜嵩呼
日齊祝 堯年進壽卮

東風襲襲紫裘輕共沐 恩波近郭行何事蘭亭流曲水偶從
御苑聽鳴鶯垂虹隄畔羣鷗浴芳樹叢中雜珮聲誰謂遨遊
尋五嶽應知此地卽蓬瀛

淡煙初散露初晞處處園林接翠微野外紅英猶半綻沙邊紫
燕自雙飛凌晨逐隊穿城出著意尋花向晚歸莫惜春光今已
暮 皇都景色正芳菲

玉鞭遙指度平蕪馬首依稀似畫圖臨水笑看新柳長隔牆喜
見野棠鋪樓臺縹緲疑三島鳧雁交橫近五湖白晒歌詞非白

雪諸公才思已探珠

瀛臺啟事恭紀

西苑平明宿霧收危橋如蝨俯清流煙勻黛色隨風卷波蕩荷
香夾岸浮

瓊島銀塘一鏡開垂楊拂曙鳥飛回龍香雉羽花間度玉艇蘭
橈天上來

太液池頭萍已綠垂楊隄外日初紅黃金瑞榜青岑近早集干
官曉霧中

禁苑芳林輦道幽萬幾乘暇此行遊傳宣如對承華殿啟事仍
同勤政樓

池開泱泱柳城圍苕藻交橫水面飛知是 帝京天地闊鷓鴣
鷗鷺盡忘機

瀛臺全集卷第三十

五

浙江書局刊

瀛臺閬苑絕塵囂鳳髓龍香染素毫丙夜咨諏猶未倦西山搜
對不知勞

日屆天中樂舜年五龍亭畔石榴鮮還將一派空春色輕點蓬
瀛楊柳煙

島嶼縈迴紫氣濃琪花瑤草插芙蓉不知弱水三千里卽在離
宮十二重

仙池豔激玉河隈冉冉雲車羽節來繞鳳蟠螭天上見朱簾畫
閣水中開

百頃澄潭映碧空千章喬木自青蔥憑欄微覺松風動冉冉雲
中落彩虹

香抽勁箭蘭英紫春入柔條柳色青 宸駕五雲深處轉水晶
宮殿幾層經

瑤翎玉羽泛清渠來自江湖碧沼居仙液無波鷗鷺靜迴翔上
下樂何如

滿徑花飛香氣幽虹橋高並碧天浮乘風直上三千仞好泛靈
槎問斗牛

桑枝竟與波分綠嫩色還同柳並青芳草有情時望幸春來
先發碧山岑

仙臺縹渺隔銀河細草偏承御輦過最愛青青池畔色夜來
風雨落花多

滿徑花飛水面平林間睨睨弄春晴簫韶奏後遲天籟故送清
音續鳳鳴

昇平清奏宴觴同碧菓田田卷激風收拾荷香歸兩袖綠楊斜
挂夕陽紅

讀書臺全集卷第三十

六

浙江書局刊

朝堂恭紀

藹藹榮光透綺疏紫微雙闕並凌虛金門柳色披青瑣八表風
清到玉除

卿雲瑞日映明光百和風吹合殿香中使頻頒千日酒天潢齊
上萬年觴

繞電流虹自昔傳羣臣爭獻九如篇康衢縱有封人祝天地從
來不紀年

名藩輦路趨蹌過上相黃扉次第來中使傳宣知有喜玉樓
金殿影徘徊

天街玉燭月華明濟濟朝簪接珮聲行到玉河橋上望五雲
深處泰階平

紫雲澹蕩起和風星使朝天萬國同殿上夔龍齊獻壽階前

貌虎盡呼嵩

碧空窈窕霜華淨皎日朱庭接珮光文戟采旄森玉砌
爐烟一道自飄颻

端門凝望瑞煙籠玉殿呼嵩鵷鷺同
朝罷百官花底散卻隨

五鳳下雲中

承恩退食出彤幃金水橋邊緩步歸
仙仗初回雙闕下香煙猶磅五雲飛

年年原野事蕃畬禾黍青青盡繞廬
欲識民依惟稼穡特蠲

租稅勸耕鋤

象管銀箋御府藏百官拜舞和
天章休風直與虞廷並聯句競傳駕柏梁

玉樓金殿影重重華燭常調萬國風
嶽嶺千峰羣拱極河經九

讀書臺全集卷第三八

七

浙江書局刊

折識朝宗

天縱常山建九旂龍盤鳳舞到神州
黃河一綫通滄海寶厓千年壯遠猷

金鑪煙繞列雲門貂冕交輝達九闈
灼灼新花臨紫陌溶溶春色起天園

春來佳氣繞蓬瀛霽色峇巖接太清
清曉銅盤凝玉露凌空仙掌抗金莖

寅賓日出中星鳥露浥蒼龍清曙曉
扶楹三推九五先豐年報獻歡聲遠

青壇春路啟祥煙豹尾鸞旂繞直阡
翠幕風飄金石奏公卿秉耒贊皇虔

南苑恭紀

雲樹蒼茫路透池 六龍南苑欣飛隨而今四海多清晏正是
岐陽講武時

冬狩鳴鳶逸羽羣飄飄雙翼薄青雲神機一發如驚歛灑血飛
毛下九氣

晾鷹臺畔凍雲流帳殿行歌進玉甌匹馬衝開冰雪路 殿廷
親賜紫貂裘

香風徐引氣氤氲遠近爭瞻五色雲爲省民風時駐蹕非關宴
賞樂橫汾

喜雨

聖主憂勞遍九垓桑林未禱已聞雷鳴鳩將雨西清過細草青
蒲簇簇催

西山隕色發祥颿瀟灑龍墀度玉橋霑溥不辭袍袖溼願將瑞

寧臺全集卷第三十八

八

浙江書局刊

麥譜衢謠

天都仙客迓羣真寶籙方開樂四民雨灑香林千頃足耕桑元
是太平人

四郊嘉穎望商霖快雨如酥到上林不止芳華供 御賞還將

萬庾答 堯心

聽樂

豫動薰風聞擊拊和雲盛烈總咸英衢壇肅穆嚴蒼壁漠漠聲
希入太清

鈞天大樂響錚鉦舞曲飄揚翟羽輕絲竹鳳調鳴嶰谷崙山九

變八風平

石鼓

辟雍石鼓舊岐陽星日輝光耀廡廊信有巨靈擎寶礎還將神

斧鑿天章

何王射獵攫兕虎雅製雄文墨欲舞碎錦斷苔纍隕星紛紛評
解截雲補

春日

斗杓東指醞輕寒柳鞦花嬌捲幔看不用吹葭窺玉律朝來春
色滿長安

銀鋪萬乘飛黃馬色映千金狐白裘共訝春園梅早綻枝枝不
復漢宮秋

芙蓉闌下漏聲寒寶炬華燈徹夜闌此夕萬方同宴賞傳呼京
兆縱民看

鳳吐龍銜銜寶炬新長安城裏太平人香銷紅雪不成凍入座芳
華列錦茵

讀臺全集卷第三十八

九

浙江書局刊

鼇峰出海輝三島火樹當春吐九華白象青猊知忡舞承恩
歲歲踏蓮花

長安春早麗芳晨寶運當天色新凝碧草迎金埒馬流香花
伴王樓人

何處年華不可人皇州春色簇花茵九天麗日浮丹闕萬里晴
光擁紫宸

雙童疋馬走巖阿樹裏僧房隱薜蘿碧水層岑青未了一年春
事竟如何

夏日

九十日春留不住風光入夏一番新浮空樹色清陰蕩入座荷
香氣味親

春暮留春春已去惜春勒馬更尋春榴紅沼碧依稀近早是薰

風解愠辰

節入南薰解舜琴火雲乍吐柳陰陰東山自帶千年雪北海常
澄萬古心

四月尋春何處是芳郊踏遍少逢迎紅翻芍藥當軒爛况有黃
鸝送好音

絳衣初進氣清和碧樹陰濃玉輦過鳩鵲樓前飛小燕昆明
池畔長新荷

東郊雨足飛春殿西苑雲生入夏池自是瓊臺風日好九歌妙
曲溢金卮

秋日

六月炎暉煮海黃金風颯颯送微涼微音度曲明霞淨促坐褰
帷酌羽觴

讀書金雀卷第三八

十

浙江書局刊

金披露重菊花鮮交砌鸞歌做御筵五色霞明黃鸝路九旂風
爽白雲天

寒鷺塞雁薊門秋月到疎林煙壑流清殿芙蓉涼氣靜松陰竹
影上簾鉤

盈盈露結金扉冷淡淡霜飛繡幕深雲斷天高沈閣漏清砧永
夜助蛩音

薊北煙雲繞鳳樓滔滔易水接盧溝日移天影長波裏風送寒
聲古渡頭

冬日

颯颯秋風驅紫燕霏霏朔雪度盧龍瑤瑤圃內添花色窈窕樓
中失玉容

頻年喜雪好哦松不覺風霜老昔容霽影依稀鴛瓦出瓊枝隱

映鳳樓重

散花天女幻凌風剪碎瓊瑤亂舞空灑向連雲鳩鵲觀飄來瀆
月水晶宮

冰柱懸河漾碧衢苔英點處起霜鳧光搖素女開金鏡瑞靄游
人在玉壺

祥英飛宕玉闌干舞鶴影迷一顆丹銀霰團風疑泛月光映
日卻春寒

萬樹松濤驚浙瀝丹臺碧嶂成銀闕林林虬幹鏤霜花片片龍
麟飛玉甲

萬柳臺

三月南城萬柳堂行游到處足壺觴歸來馬踏花苗淺十里野
棠春雨香

讀書臺全集卷第三十八

十一

浙江書局刊

浮天翠色與雲齊臺榭依依聽馬嘶猶憶當年東閣啟鳥銜飛
絮落香泥

風幔高懸扇不開流鶯飛去燕飛迴行人莫把柔條折曾向靈
和殿裏來

碧檻朱闌捲海潮堂開萬柳翠迢迢東山絲竹今寥落無復歌
人鬪舞腰

豐臺

清和天氣日初長相國園中婪尾香此是紫薇天上種移來綠
野冠羣芳

榆柳陰濃野色蒼晴郊迨逐共尋芳花間錦帶堆成錦遊客渾
疑在洛陽

僧舍停驂十笏長雀芽新瀾坐匡牀上人色相都空靜獨種名

花選佛場

長安士女競花開寶馬香車處處催行過豐臺紅藥好中山頂禮拜如來

金魚池

春風淡蕩酒旗飄水色天光四面饒惆悵荆高人後去金魚池
畔水瀟瀟
貪看游鱗步每遲垂絲不礙綠楊枝風翻樹動層樓出日漾波
搖嫩藻移

西山

西山盤礴望崢嶸半是梵宮半是塋高塚累累宮落落雕欄玉
砌錦麒麟

貝闕珠樓接絳霄猶聞野老說前朝貴人灑盡眞膏血空教名

讀臺金集卷第三十八

三

浙江書局刊

川文

山鎖寂寥

緇流禪食何須稼仙侶雲衣不用蠶自有下方虔供養耕夫織
婦不須食
摩訶菴裏娑羅樹萬壽寺前萬石鐘五步一樓十步閣行游須
到最高峰

羽客

高樓羽客伏音華蕭瑟雲扃一樹花含笑巖阿香霧散青冥空
外吐紅霞

紫簫玉管吹雲中子晉乘鸞信御風松嶺煙生山欲盡石潭波
靜水恆空

太微羽客開金籙雅韻流雲駐未行繼續仙音空外盡依稀聽

徹步虛聲

九天開祕社自識慶雲符抱日依龍袞非煙近御鑪
草際風光滿王孫正可游碧疑煙彩入紅是日華流
遲日江皋麗晴空似不高青陽偏媚柳白鷺忽驚濤
層臺晴望遠處處柳條新追賞韶陽媚花宜漢苑春
靄靄青青春曙飛仙駕五雲羽旄絲接珮應是從元君
依微青草色含露逗芳春更愛池塘畔清芬遠襲人
繡轂盈香陌新泉盜御溝遙紅帶淺綠好景是皇州
卉木當春暮流膏啟滯榮纖條微被綠翠葉盡含英
林間鶯語嚙花下蝶香飄少女遲清奏祥風五緯調
韶風披眾卉先動萬年枝輕拂祥煙散低翻翠色移
節當南至候萬國拜含元聖日開如捧金鑪引御煙

臺臺集卷第三十八

七

浙江書局刊

八

華池初合樂被濯汎龍舟朱幕陰雲覆清川羽節遊
霓裳仙曲裏鳳管流新製宴罷水亭空輦餘香草細
拂林空翠滴澗石翠珠圓絕頂芙蓉殿何王避暑年
明月當秋夜高天絕送迎影連平野淨輪度曉雲輕
景光浮桂殿雲物自游颺日麗秋原靜寒英始獻涼
宿煙含白露遙並曙光浮的歷蘭皋茂空林望已秋
習習涼風動熒熒大火流嘉禾方茂夏芳樹忽驚秋
梧桐寒露上月白似珠團凝素宜清曉溶溶靜裏看
素練明秋壑晴虹飲碧川瀑懸流百尺巖際噴鳴泉
匣劍新磨淬臨流欲化龍蓮花生寶鐔秋日礪霜鋒
乍寒冰始凍會映玉壺清直以中壑白相期飲此明
大壑流澌靜滄地水乍寒霜花沾玉樹翔雁動輕瀾

晴雪曙光寒還如帶月看梅芬消未盡何以起袁安
鸞鈴陳輅馬犀甲擁材官細細鱸煙裊流香護曉寒
香臺石徑斜縹緲散天花塔寺經幢古山僧誦法華
通閣清虛麗明霞散玉除卻疑王母過遙度五雲車
郊壇清奏遠風散入蒼冥本自鈞天降還疑列洞庭
仙都開祕籙風動寶花零雨度千山潤蕭臺走百靈
谷館駕鴻人蓬壺乘鯉客澄淵抱漢清乳竇通滄碧
湘靈傳鼓瑟曲度九疑青斷續聲常細風雷變洞庭
月滿緜山夜風傳子晉笙孤鸞驚欲舞漸聽入雲清

銓部藤花盛開同人雅集卽事二首

年年欣賞爲花興四月清和景獨勝敢謂臣心清似水卻憐交
誼密如藤蔓延錦砌風霜老香散雕欄嘯詠清况遇太平多暇
豫不妨帶醉草吳綾

讀書臺全集卷第二十八

古

浙江書局刊

八廿八

洗盞重斟未卽回其傳文定昔時栽雖非桂苑神仙集好繼蘭
亭少長來細蘂濃花連紫障繆枝翠榦鎖蒼苔徘徊庭砌依嘉
樹閱盡人間幾許材

戲題三美人圖

二八年華描不齊含嬌含笑含幽思縱然一樣凝雙盼別有芳
心繞碧池

橐駝行

八珍之味首駝峰猩脣豹胎將無同奇物產自泉源國日馳千
里載百物引頸懸蹏望若山撻伐資之用不艱冒雪長驅五千
頭功高汗馬眞罕儔試看凌煙親策勳英公鄂公裂土於朝右
放馬歸牛此曹亦得飽芻糗

家弟恆夫寄園三十景

月張故址

園以月張名月出園如繪結構屬幽人林壑因以邃陰晴罔不
宜柯拂蟾光碎

亦有木石

名園如吾物乘興卽來過有厯識迎送有樹待婆娑位置苟得
宜木石不在多

喧中寂

結廬在城西松菊交相映羊求三逕來奇書共考訂人方慮其
喧我獨愛其靜

挂笏軒

不蠟阮公屐不登陶令輿開軒來爽氣挂頰樂有餘彈琴復長

臺臺全集卷第二十八

五

浙江書局刊

嘯懷抱爲之舒

老樹

老樹飽風霜迎門亦已古延我入南榮披豁宛如語偉矣凌雲
姿匠石不敢取

超臺

樞衣陟高臺超超異城市迴翔五雲中宮觀歷可指側身望蓬
萊去之不盈咫

新又堂

元龍湖海士幼輿邱壑姿堂中列尊彝圖史上下施間奇滿戶
外湘簾鉤半垂

綠陰深處

種蕉蕉成陰臨摹代簡牘琴音來深林茶煙漾修竹凝眸不見

山俯仰鬢眉綠

見心軒

白何必虛室悟何必空山悠然會心處豈在寂與元花香雜鳥語達者忘蹠筌

叢桂小山

叢叢月中樹卻倚層巖開幽人鼓瑤瑟孤鶴唳蒼苔夫何小山下冉冉八公來

曲澗

霽色上簾幙風雨何蕭蕭清流經百折音若笙竿調雜坐聽不厭時見落英飄

舟居

屋居不在山舟居不在水松風拂面來雜花繞階甍書畫載輕

讀書齋卷第六

夫

浙江書局刊

槎疑是襄陽米

一房山

迢迢三神山壺嶠削成巧茲山若瑤房玉几藏鴻誥焚用石葉香餐用紫芝草

卧雲

勞勞金門客坐卧集塵氛置身在天闕儼若雲中君不愁風露冷但覺星辰親

鶴舉

愛茲凌霄姿俯向松門啄歲久頂凝丹毛羽潔如玉清唳起空中落葉填幽谷

紅橋

松菊慕羅舍醉吟懷白傳流水自潺湲蒙密疑無路何必胡麻

層又向紅橋去

枕漱

淙淙者其水磷磷者其石石與水相遭聲音自疎越與爲礪齒人甯爲洗耳客

獨倚樓

高樓踞百尺俯檻動遐情何處一聲笛吹開玉宇清妙句日紛披難以倚樓名

瀉玉

平地激層波憑欄捲飛雪寒光白日陰碎湃人語咽此水乃吾師移情忘朝夕

石蚌

叱石可成羊仙侶多幻術何以造化工不假雕鏤力請君置花

薑臺全集卷第三十八

七

浙江書局刊

間石竅胎珠出

巖澤之隅

巖澤只一隅園林自盤互綠蘿罨山椒碧瀾引竹路好鳥惠然來花陰曬不住

獨樹老夫家

孤標洵清蒼歷年不知數幢幢如車帷槎枒長門戶欲詣杜陵家競指花溪樹

歸厚居

營室先宗廟客居今亦然餘波及密友春秋禮祀虔不謂頽流中古調一再彈

巖乎齋

昔人談性學首標敬一義媿媿千百言殷勤迪聶贖君今闡宗

風蔽之此二字

偶遂

天地一浮漚何者為吾有所以賢達人隨在安所愛滔滔古與今勳名孰非偶

小鷺

流波繞簷除亂石排煙樹但見花滿蹊不見鷺啼處還愁五丁來攝取小鷺去

無波艇

不涉波濤險不知波濤患波濤有時平人情多變幻得如此中居一帆登彼岸

林卧遙集

暫辭金馬門高卧煙霞谷圖編手校簪溪山自酬醉干律占詩

讀書全集卷第三十八

文

浙江書局刊

名讓君此一著

狽青閣

仙人好樓居茲閣便登陟雉堞起雲霄三面形如玦幸有遙峰青飛來補其缺

真堪隱

十畝閒閒寬白雲屯其厦陟歷苦不周圖書隨意把買山不用深昔言應非假

戲題道傍所見

不向梨園逐後塵簾帷高揭暗藏春借來天上雲霞錦扮作人間歌舞真千種悲歡蕉下夢一場傀儡醉中身雖無絲竹清音譜夾路喧騰金鼓聲

送遊晉侯守戎還里次許燕公編修韻

溟雲憶昔滿蒿萊，刈定三方仰睿才。勇畧共驚穿札技，安危端藉濟川材。文雄秋戰悲冬別，萱草春榮惜夏摧。嗟爾衝寒奔萬里，蕭蕭馬首不勝哀。

贈合肥相公廬墓感白鳥來集

至孝由來格彼蒼，忽傳雙燕纒帷翔。羞池玉羽依廬舍，上下哀鳴繞影堂。產自月宮原比翼，飛從瑤圃卻如霜。懸知相國膺純嘏，不數松門芝草長。

送管希洛庶常還滇

萬里天荒一旅人，讀書中祕憶慈親。暫辭翰苑衝寒去，直向高堂愛日眞。臣夢居然三殿側，萱榮總是百年身。園林總切蒼生望，且學老萊戲綵新。

送閣學陸義山歸里二首

讀書臺卷第三十八

九

浙江書局刊

荏苒秋光映玉除，一鞭南指賦歸歟。爲耽松菊辭華省，獨挈縹緗返舊廬。東觀才名齊賈鄭，西清詞賦重應徐。賢哉此去堪圖繪，千載高風繼二疏。

公卿祖道共依依，東閣而今相見稀。每念交知分俸米，時償酒債典朝衣。珠樓嘯詠多幽興，醉里煙波早息機。獨怪昔人高賀監，鏡湖乞取始還歸。

豆腐詩次芝田楊宮坊韻

珠圓玉潤石稜稜，鍊作人間片片冰。靈洞千年紅乳合，瑤池一鏡素波凝。卮庖烹飪無名姓，禪室香蔬有友朋。氣味堪親誰似汝，離筵直共白雲蒸。

又四絕

名同篋篋兼籩豆，青玉華筵未易登。貧婦五更操作就，曉來捉

月市如崩

玉貌瓊裾雪幾層也宜儒素也宜僧點些顏色堆香乳洗卻鉛華一片冰

採來銀漢幾時興玉骨冰肌爽氣乘薄粥黃齏爲伴好駝峰鱸鱸漫相矜

綠野歲甦粒食登尋常菽麥禾稱化身敢作瓊漿供獨喜齏糲霽色澄

詠芍藥次羨門彭少宰韻

花開上巳正芳辰獨殿羣英迥出塵名重玉盂妝閣豔種分金帶錦堂春參差夾砌供詞客掩映離筵贈遠人幸有鬢蘇題綺句卻教小草勝松筠

遊中頂次許燕公編修韻卽事

靈臺金卷第三八

三

浙江書局刊

澣日招尋快夏陰豐臺亭閣暫登臨淵源世好原同調梓里情眞各見心共愛芙蓉新出水更多芍藥近依林紅塵碌碌方蕉夢披拂薰風蕩我襟

又

勝會中山汗漫游壺觴滿地稼禾稠彎弓鳴鏑調生馬伐鼓張旗起浴鷗白雪一聲吳調古紅妝屢舞楚腰柔園林迢遞縈懷抱似繡山川是 帝州

新陽啟事曉集口占二絕

晨趨 玉陛屬端陽環珮繽紛五色光雨霽風薰榴吐豔 朝

迴花泛紫霞觴

午日華池初合樂晴瀾被濯汎龍舟天開朱幕陰雲覆羽節翩

翩闥苑遊

平日同鄉許燕公編修管希洛庶常楊瑞菴孝廉十六人
郊外較射飲酒無詩有罰于章雲中翰在焉

一片鄉心去住勞相邀勝侶步東臯琴尊交映分榴燄蒲艾生
香接柳條射圃雍容觀禮讓詞場唱和見詩豪南薰解愠宜成
頌萬縷紅絲蕩彩毫

偶見

白馬青衫促促催無人知是上公來雨中閃出葡萄色常惹
鑪香滿袖回

素九熊太宰屬詠扇頭香墜二絕

蘭芬桂馥一毳輕卻暑迎寒小比橙玉塵橫拋豪飲醉雄談搖
曳四筵驚

青絲縷縷墜生花半引清風半辟邪纖手擊來迷蛺蝶輕颺揮
去散煙霞

臺臺全集卷第三十八

三

浙江書局刊

川文刊

壽汪幼安

十年坎壈滯京華兒子門生是一家子建雄才添二斗支公
妙契謝三車世無知己文真蔚金盡長安筆有花絲布奉財厄
奉酌歲招仙侶泛紅霞

題殷彥來歲寒吟後

盧龍朔雪度燕關呵凍哦松興未闌香國梅花清入夢教人何
處起袁安

又

江都有醅儒高文卓千古殷子產其鄉驚才鮮儔伍年盡人未
歸離憂付短炬有酒不成歡促坐悄無語新詩代椒花其什凡
十五結響何鏗鏘所思在親友叶銜杯一讀之春風起簷宇詠

物見深衷騷雅爲其矩流光去如馳著作日寸許鎔古更鑠金
淡情在圭組遐哉歲寒人庶幾松筠侶詩者心之聲把玩不去
手

瑤華

客從遠方來愛撫瑤華音激楚當清夜令人發遠心

和談震方初秋出都四律

秋來秋去渾無痕竟挈圖書返里門短衞依然衝大道長材應
不避盤根放歸若水風塵靜棲隱羌山君父恩遙望桑乾木
葉脫蕭蕭行旅欲消魂

捧檄曾爲赤縣臣藤花廳上幾經春文人無命多遭蹇太史占
父又變屯久識揮毫詞倒峽行看得句道遺薪滇南騏驥成雲
錦不愧孫陽相馬人

薑臺金雀卷第三八

三

浙江書局刊

廿年襍被滯天涯回首仙湖萬里賒典選未能符藻鑑俸錢空
自老韶華板輿安穩吾將母籬舍棲遲爾有家料得菰城秋色
暮好攜村酒就黃花

歸臥南村豈是遲杜門卻掃日吟詩漁翁上下長相問鄰叟官
階總不知久逐鷓班琴盡典自憐鶴髮鏡如絲卜居未得依晨
夕惆悵蒹葭露白時

送史耕巖學士扈從北行四首

六飛巡幸出邊城特簡詞臣扈駕行駐帳雲凝龍虎氣
從官風送珮環聲山川開霽揚鞭度父老驩呼策杖迎此日屬
車應有記誰能稽古似桓榮

金風初爽引行旌輦路無塵道上平地近懷柔野燒合關連
山海暮雲橫宸遊欲悉還荒隱障塞親承雨露榮獨有史

游朝夕侍好將夏諺譜歌聲

萬直曾燃蓮炬明復隨 法駕發都城寵居豹尾辭東觀幸扈
龍媒赴北平 行殿每承 宸幄問長途不愧祕書名河山萬
里輪蹄遠深羨班生有此行

虞舜時巡見北征况逢秋獮正晴明掌書未獻長楊賦清蹕先
開細柳營山繞 鸞旂如衣錦草依 鳳輦亦知榮歸來示我
奚囊句珠玉光搖奎壁明

乙亥中秋李繼德選君屬賦雨後賞月

清曉雲封到海關風飄太液水潺湲誰勻宿霧千山暗欲詠新
光一筆刪雨霽天空心欲洗樓高月近坐能攀華筵賓客相歡
讌夜半歌聲款醉顏

送楊正宸明經南還次韻

讀書齋卷第三六

三

浙江書局刊

子雲翰墨有奇光何幸相逢在 帝鄉不假雕鏤仍璞玉卻同
雲漢燦天章壯而好學誰能敵老不如人孰擅長欲命驪駒爾
且住挑燈重論讀書堂

又次韻

欲賦 皇都載筆來飄飄劍影下天台腹笥自是人間少詞峽
應爲海內推敢謂江河能潤澤共知土壤謝崔魏滇南人物從
君振終仗玉山定遠才

借楊正宸韻送陳建常明經南還

征途黃菊點秋光送客臨高獨望鄉宦久人嗟無第宅官閒獨
愧是文章鯨魚欲掣須吾黨翡翠空巢任世長歸解青細珠玉
瀉一時南士盡登堂

卽席爲素九熊太宰謝飯二絕

露浥金風菊色鮮侵晨日彩泛槐煙
匏樽竹箸青精飯臨鳴桂
薑勝綺筵

藤花廳裏共徘徊六簋遙從相府來
此味如何容易得瓊漿杏
酪近蓬萊

藤署同素九熊太宰話及銓事繁難宜共加勉

在昔和羹信手攤今陪澄敘見拏丹因人成事庸同快利又披
紛骨亦寒時向靜中觀物理每於忙處決繁難虛公相勵吾能
勉如此兼才愧素餐

郝耳臣世兄宴客演假龍圖偶值卽席率賦

有客乘驂不速來驚聞仙吹在瓊臺
賓朋盡是金閨彥讌笑仍
將錦句裁誰辨假真原戲局每看扮演頓顏開
從今不學枯禪
坐到處逢場便把杯

讀書臺金篆卷三六

書

浙江書局刊

九日金水橋朝審集而未果同人屬詠

天青氣爽坐鋪茵無雨無風屬令辰
金水橋邊堪戲馬龍山頂
畔可憐人誰期一笑連鑣去且喜重陽採菊頻
有酒凭高須盡
醉明朝丹筆好生春

謝素九熊太宰麪點二絕

旭旭瞳瞳霽色開風吹藤葉落蒼苔
翠盤忽出香林飯疑是僧
伽清供來

團團片片錦成堆似雪如花靜不猜
更有美羹浮玉椀擎來仙
醞自三台

爲家天羽弟作寄園寄所寄序訂菊放優觴以謝逾時不
舉作詩促之

寄園聲價重皇都日彩文光景色殊
期我登高須拚醉如何

直到小春無
閉閣先生日草懸霜催籬菊尙鮮妍園林絲竹無消息欲待花
開又一年

除夕

勞勞又見易居諸誰教青陽逼歲餘家到異鄉爲異客我隨
仙仗拜 仙除去如失壘尋梁燕別似歧流比目魚縱有屠蘇
知酌少夜深話舊定欸獻

誰家不願樂妻孥無奈飄飄兩地吁此夕寒威風轉急明朝歲
始煖回無孫頻拋菓思慈祖婦亦挑燈憶老姑最是宸兒倍念
我計借到膝望秋鳧

佳節從來情緒牽天時人事兩相愆月盈那見團三夕春序安
能永百年兒女情深看不破老夫意豁謂當然華燈紅獸妍如

讀書臺全集卷第二十八

五

浙江書局刊

文文

錦但得平安是福緣

天生老健一迂儒樂莫大焉孔子徒信口吟哦隨便得借時消
息自無拘忌尤忘怨非難事不忤不求祇故吾子近古稀親百
歲年年上壽不須扶

10505

